

# -Dhekpaɔ dhia" 'sëédhe 'ö Zan -ya -kë

**1** <sup>1</sup>Sëédhe 'dhe ya 'wɔn 'ö yöö kë -dhe 'bha -kpaɔyi 'ka -në Yesu Klisi -ya to "dhiü 'yö- -zɔn Atanna -bha gwëëzë -nu -dhe 'yö 'wo- -ben zë- 'gü. Atanna -në 'ö -wu kpɔ- -bha 'yö- pö -ya kë "dhü, 'yö Klisi -yö 'ö -bha "kië do bɔ kö -yö 'wɔn bha- -zɔn -a -bha gwëëmi 'dhe 'wo- Zan -kë bha- -dhe. <sup>2</sup>Wɔn 'ö Zan "yan -ya yö 'yö- -gen dɔ ya. Naɔ 'ö go Atanna "piü waa- teanwɔn 'ö Yesu Klisi -ya -zɔn kwa -dhe bha -në 'ö- -dhiang zë 'sëédhe ya- 'gü. <sup>3</sup>Wɔn dho kë dhia", 'ö Atanna -ya to "dhiü 'ö- pö mē "bhu- -nu -dhe, 'ö -ben zë -sü 'ka 'sëédhe ya- 'gü ya 'mē 'ö- -wu pö, 'ö 'ö "tu to- -bha, 'ö- 'gü -wɔn -kë kö- -mē -bha -sël -A -gen -mü -dhe "tüng 'ö Atanna -ya -ya 'wɔn -nu bha- kë "tüng 'ka bha 'yaa -gblëen 'zü.

## Atanna -bha 'kɔdhigüme -nu -gaɔ "saɔple 'wo 'sëédhe ya- bɔ- -nu -dhe bha -a -nu -tuabhonao

<sup>4-5</sup>Atanna -bha 'kɔdhigüme -nu kpö "saɔple 'ka Azi -se 'gü bha 'ma ka -tua bho 'gbe. Mang Zan -mē ma -në 'a 'sëédhe ya- bɔ ka -dhe. Kö Atanna 'ö gun, 'ö 'dhö, 'ö yö -në dho 'to -todhü 'ka waa- 'nii- "saɔple 'wo dɔ sië- -bha -gblüdédhe -gbloo wëédhö bha, waa- Yesu Klisi 'ö- "sɛɛ- 'ö 'yaa -wu -ple pö, 'ö- -wu "dhiü -loo kwa -bha -dhe -kɔ 'ö 'ö -wu kpɔ- 'ka- -bha -a 'dhö, 'ö yö -në 'mē -wa ga -a mē -blëesü 'ö go ga 'gü 'ö -bö -a 'ka, 'ö yö -në -gblüdë "pɛpɛ 'wo "kpong -taa -a -nu -gban -bha -gblüdë 'ka bha -wo -gasitë kë ka -dhe, kö -wo zuëwaanüsü nu ka -dhe bha 'aa -yö kë.

Yesu Klisi bha -në kwa -dho -ya -kë, 'yö dho 'yö ga kwa -wɔn 'gü kë "dhü kö 'ö kwa bho 'wɔn yaa kë -sü -gɔ -dhuëndhe 'gü 'ö -yɔɔn 'ö -wɛnng kwa -wɔn 'gü bha- 'ka. <sup>6</sup>Yö dho 'yö kwa -kë 'ö -bha -gblüdédhe 'gü -mē -nu 'ka, 'yö dho 'ö kwa -kë 'ö Dë "saabhome 'ka, kö Yesu Klisi 'ö "dhü bha -në- 'tɔ -yö bho "tüng -gban "pɛpɛ 'gü, kö yö -në- -bha 'yënn- -yö 'to dhang- -bha -kpeawo bha 'aa -yö kë!

<sup>7</sup>Ka -dhe -ga, yö 'ö bha -yö nu sië dha 'kpong- -ta. Mē "pɛpɛ -gban- -dho -a yö, aa" -ni mē -zian 'ö 'wii 'dhang bho- "dhiü. "Sɛgɔ "pɛpɛ 'wo "kpong

-taa -a -gban -dho "gbu bu wo -du -bha -a -wɔn 'gü. A- -pö ka -dhe =dhe tean- -mü, -yö -dho kë! 'Sa -yö -dho kë!

<sup>8</sup>Kwa Dème Atanna 'ö -bha 'gügbudhe -mɔɔ 'ka 'yaa 'dhö, 'ö gun, 'ö 'dhö -dɛɛ, 'ö yö -nè dho 'to bha -nè dhiang zè 'ö- pö: «Ma -nè 'a 'wɔn -gban zühodhe waa- 'dhiütodhe 'ka.»

**'Wɔn -nu 'ö Yesu -ya -da Zan 'yan 'gü 'ö- yö kö -yö "sɛgɔ 'ö -ya -sü 'ka 'yi -zinng 'gü 'wo- Patòmɔsö -dhe -kè bha- 'gü -a -dhiang 'ö- zè**

<sup>9</sup>Mang Zan -mɛ 'a ka dheebhang 'ka, 'ö kweng- -nu 'kwa -kplü -sü 'ka Yesu -bha -dhe 'ko 'dhö, 'ö 'a saan" siè 'pö =dhe ka 'dhö -a -wɔn 'gü, 'ö kweng- -nu 'kwa- -bha -gblüédhe 'gü -mɛ 'ka -dhe 'ko 'dhö, 'ö 'kwa -ya siè- nu -sü -gɔ zuè" -seadhe 'gü =dhe 'ko 'dhö bha ma -nè 'a 'sèédhe ya- -ben zè. -Ya 'a- wo Patòmɔsö -sɛ 'ö =weeyi =zinng 'gü ya- 'gü =dɛɛ ya 'mii -ya mü 'wɛwɛɛ. Atanna -wu 'ö yö -nè teanwɔn 'ka 'ö Yesu -yö "dhe bho- -ta kwa -dhe bha -nè 'a- -dhiang zè 'yö 'wo n kun 'wo nu n 'ka -dhe ya- 'gü. <sup>10</sup>Dhe 'ö -dhekpaayi do 'ka Patòmɔsö -sɛ ya- 'gü, kwa Dème -dhøkè -yi bha- 'ka, 'yö Atanna -bha 'Nii- -yö -da n 'gü, 'yö 'a mɛ 'bha -wu ma n =taama -zian 'ka, "kɛɛ -a -wu bha -yö -kè 'gbu- 'ka =dhe 'pè "truu -nè 'wo- -piö -a 'dhö. <sup>11</sup>Kö -wu bha -ya pö siè n -dhe -dhe: «Pè i "yan yöö -da -dhe 'gü bha- -ben zè 'sèédhe do 'gü kö 'i- bu Atanna -bha 'kɔdhigüme -nu 'wo bu- 'ka 'wo Efezö oo, Simiidhö oo, Pɛɛgamö oo, Tiatii oo, Saadó -dhe waa- 'mɛ 'dhe 'wo Fidahɛfi -dhe waa- Dhaodise -dhe -nu 'gü bha- -nu -dhe.»

<sup>12</sup>'A dho- pö 'a slèè- n 'gü kö 'a -dhe -ga n =taama kö 'mɛ 'ö dhiang zè siè n -dhe bha 'a- yö, 'a dho -dhe -ga kö -dhangbha -dɔtapè "saɔplɛ 'ö- -gban 'dhö "sɛnng 'ka, 'ö peng 'dhö- -gban "dhiü -nè -dhe bha- 'gü, <sup>13</sup>'yö pè 'bha 'ö -dhe mɛ "bhü- 'dhö, 'ö dɔ siè- -nu kpö 'gü mü. Me 'ö bha -tɔyang -nè gun- -bha, "kɛɛ -tɔyang 'ö gun- -bha bha -yö -zun -gen "piü. 'Yö kwi "pen 'ö "sɛnng 'ka 'ö gun -ya -sü 'ka sɔ bha- -ta -a -kuu -ta. <sup>14</sup>-A -gɔdhe 'ö gun- -gɔ -bha bha -yö -flü -papadhö =dhe "bhlaa kaa- 'dhö, "ɛɛn 'zü -dhe yu" "viè 'dhö, kö- "yan 'bhü- dɔ siè -dhe peng 'dhö. <sup>15</sup>Kö- -gen 'ö- -wlöö bha- "yan- bho siè blöngblöngdhö -dhe zèn 'ö waa- =söng, 'ö waa- -pè -dee kë 'ö waa- -bha 'yɔ bha- 'dhö, kö- -wu 'ö- "dhi -yö -zuö siè =dhe 'yi 'ö -zuö -a 'dhö. <sup>16</sup>Kö "susɛngga "saɔplɛ -wa -kɔ -sè 'gü, kö -siangga "zɔzɔsü do 'ö- "dhiü -zian 'ö -plɛ -ya 'dhi. Kö- wèédhe 'bhü- bho siè -dhe -kɔ 'ö 'yɛnng- 'bhü -yö bho- 'ka kö =ya -ya mɛ -gɔ =zinng 'gü bha- 'dhö. <sup>17</sup>=Dhe 'a- yö, 'yö 'a -pö =wlöö =dhe 'mɛ =ya ga- 'dhö "suü -ziisü 'ö -da n 'gü bha- -wɔn 'gü. =Dhe 'ö =ya kë "dhü, 'yö 'ö -kɔ -sè -ya n -bha, 'yö- pö n -dhe: «'Bha 'dho "suü! Ma -nè 'a 'wɔn -gban "pɛpɛ zühodhe 'ka, mang do bha ma -nè 'a- -nu "dhiü -ya -dhe 'ka. <sup>18</sup>Ma -nè 'a 'mɛ 'ö "yaan -kpeawo -a 'ka, ma -nè 'a kë ga, "kɛɛ 'yö a "yaan dɔ 'kwa- wo ya- 'gü, 'yö 'a dho 'to "dhü -kpeawo. 'Pè 'wo- -dhe ga waa- =geebɔdhe -nu bha -wo ma -nè n -gɔ. <sup>19</sup>-A -kè "dhü -sü bha- 'gü, 'wɔn -nu 'ö i "yan 'dhö -da siè- 'gü waa- 'dhe 'ö i "yan- dho -da 'gü bha-

-gban -ben zë. <sup>20</sup>Pè -nu 'i i 'yan -kpan -bha bha- 'klɔɔ- -ga 'ö ya. "Susëngga "saɔplɛ 'i- yö 'ö n -kɔ -së 'gü bha, Atanna -bha yëkëme -nu 'wo- -bha mɛ kpö "saɔplɛ 'wo Azi -se 'gü bha- -nu "dhiüziöwomɛ 'ka bha- -nu -zɔn 'ka -në bha. 'Yö- Atanna -bha 'kɔdhigümɛ -nu bha- -nu -zɔn 'ka 'dhö -dhangbha "saɔplɛ bha- 'ka.»

**'Wɔn 'ö 'mɛ 'ö Zan -ya yö bha 'ö- pö Atanna -bha 'kɔdhigümɛ  
-nu 'wo Efezö -a -nu -dhe -a -dhiang 'ö- zë**

**2** <sup>1</sup>Dhe 'ö 'mɛ bha -ya 'wɔn -nu bha- -nu 'klɔɔ- pö n -dhe "dhü, 'yö- pö: «-Bhö 'sëédhe -ben zë kö 'i- bɔ Atanna -bha yëkëme 'ö- -bha 'kɔdhigümɛ -nu 'wo Efezö -a -nu "dhiü -ziö wo sië bha- -dhe kö 'i- pö: 'Mɛ 'ö "susëngga "saɔplɛ 'wo- -kɔ -së 'gü, 'ö "ta sü -dhangbha -dɔtɔpɛ "saɔplɛ 'ö 'pu sië 'wo "sënnng 'ka bha -në- -zinng 'gü bha -ya -pö: <sup>2</sup>«'Wɔn -së -nu 'ka- -kë oo, sëë -nu 'ka- bho, "ɛɛn 'wɔn -nu 'ka- kun ka -bha n -wɔn 'gü bha- -gban -yö n "yaan. -A 'bha 'yaa n tii' 'ka. A- 'wɔn -dɔ 'zü =dhe kaa 'wɔnyaakëmɛ -nu 'kaa 'kun bho 'koo, =dhe 'mɛ 'wo- pö wo -dɔ -dhe =dhe Yesu -bha bɔmɛ -mü wo 'ka, "kɛɛ kö 'waa- 'ka bha ka- -nu 'gü dan -sü 'ka 'ö 'ka- dɔ =dhe =sua -në 'wo- -kë, 'waa- 'ka. <sup>3</sup>A- 'wɔn -dɔ 'kpakpadhö 'zü =dhe ka zuë" -yö -sea, =dhe ka saan" -gban suu 'do 'do wo -sü 'ka n -wɔn 'gü, 'ö ka 'gü 'yii ga -tosea -kë n -bha 'ka -sü 'ka, <sup>4</sup>"kɛɛ 'wɔn do 'bha -yö n -zv "piü ka -bha: 'Yö -mü =dhe -kɔ 'ö n -dho gun 'ka ka kë sië- -bha kö 'ka -da n -keng- -dee 'gü bha 'yaa- -bha 'zü. <sup>5</sup>Dhe 'ö "dhü, ka "gblɔv zii 'ka gun- -ta bha ka -zv 'ya 'dho bhɔ- 'ka, -ka ka bo 'wɔn yaa kë -sü 'ka kö 'ka -tosea kë =dhe -kɔ 'ka gun- kë sië- 'ka -bleesü bha- 'dhö, "kɛɛ -ya kë =dhe 'kii ka bo 'wɔn yaa -zë kë -sü 'ka, a -dho nu 'a ka -bha -dhangbha bha- bho mü, <sup>6</sup>"kɛɛ 'sa kö Nikodha "piü -mɛ -nu këwɔn -nu -san -bha ka kë -sü 'kö =dhe n 'dhö bha yö -zë 'dhia -yö n 'gü.

<sup>7</sup>«'Wɔn 'ö Atanna -bha 'Nii- 'dhö- pö sië -a -bha 'kɔdhigümɛ -nu -dhe bha, 'mɛ 'wɔn 'gü ma -tv 'dhö- -gɔ -bha -mɛ -ya ma. 'Mɛ waa- -to "kplëë 'ka Atanna -bha 'ko bha- zë -sü 'gü, a -dho -nu kë -tosea -kë -bha -dhü 'ö- -gɔ -gblüédhɛpö 'gü bha- -bhö -mɛ 'ka.»

**'Wɔn 'ö 'mɛ 'ö Zan -ya yö bha 'ö- pö 'mɛ 'wo  
Simiidhö -a -nu -dhe -a -dhiang 'ö- zë**

<sup>8</sup>'Yö 'mɛ bha 'ö- pö 'zü n -dhe -bhö 'sëédhe bha- do 'bha -ben zë kö 'i- bɔ Atanna -bha yëkëme 'ö "dhiü 'sü sië -a -bha 'kɔdhigümɛ -nu 'wo Simiidhö -a -nu 'ka bha- -dhe kö 'i- pö =dhe: «'Mɛ 'ö 'wɔn -gban zübhodhe 'ka, 'ö 'wɔn -gban "dhiütodhe 'ka, 'mɛ 'ö kë ga "kɛɛ 'ö -ya -bö bha -ya pö: <sup>9</sup>Saan" 'ka- wo sië n -wɔn 'gü bha a- -dɔ, ka -bha "flɛɛdhe bha a- -dɔ, 'sa 'kaa "flɛɛmɛ 'ka tean- =dede -zë 'ka! Ka -dhiang yaa 'ö Sɔtraan -bha mɛ -nu 'wo- pö wo -dɔ -dhe =dhe wo -bɔ Atanna 'ka "kɛɛ kö 'waa bɔ- 'ka bha 'wo- zë bha- -gban -yö n "yaan! <sup>10</sup>-Dhe -ga, 'wɔn 'gbu- 'ö kaa ziö- 'gü bha 'ka 'dho

"suü- -gɔ. -A pö 'a- wo "dhü bha- 'klɔɔ- -mü -dhe Sotraan -dho ka 'gü dan 'ö 'me 'ka bha me 'gbe -da -kaso 'gü, 'ö 'ka saan" sü -dhekpaɣi -kaɔng do 'ka, "kɛɛ 'kö 'zü 'ö -kê ka -gɔtɔgüwɔn 'ka, -ka 'to ka -wu -ta. -Ya kë -dhe 'ka- kë "dhü, -gbloo 'faan- 'wo -tosea 'ö 'yaa yën -a -kê -bha bha a -dho -a nu ka -dhe.

11'Wɔn 'gü ma -tu 'dhö 'me 'ö- -gɔ -bha, 'wɔn 'ö Atanna -bha 'Nii- 'dhö- pö sië- -bha 'kɔdhigüme -nu -dhe bha- -me -ya 'gü ma! 'Me 'ö yaa- -to -a 'gbu- 'ka, 'yii 'dho ga =ple -naa 'ö Atanna "piü bha- bho.»

**'Wɔn 'ö 'me bha 'ö- pö Atanna -bha me 'dhe 'wo  
Pɛɛgamö -a -nu -dhe -a -dhiang 'ö Zan -za zè**

12'Yö 'me 'a- yö bha 'ö go mü 'zü 'ö- pö n -dhe: «-Bhö 'sëédhe bha- do 'bha -ben zè kö 'i- bɔ Atanna -bha yékème 'ö "yan 'to sië -a -bha 'kɔdhigüme -nu 'wo Pɛɛgamö -a -nu -bha bha- -dhe. -A pö- -dhe: «'Me 'ö -siangga "zɔsü, 'ö- "dhiü -zian 'ö =ple bha 'ö- -gɔ bha -ya -pö: 13«A ka -yaa =bhaa -dhe -dɔ, a- 'wɔn -dɔ 'kpakpadhö =dhe Sotraan -bha -blüédhe -gbloo -yö mü =naa, "kɛɛ yö -zè =gban 'gü ka -kplü -sü 'ka n -bha kpenngkpenngdhö, 'kii ka bo -zu -yö n -dhe -sü 'ka, aa" -ni "töng -zian 'wo Angtipa 'ö -kê n "sɛɛ- 'ö to ö -wu -ta -a 'ka bha- zè- 'ka bha- 'gü. 14"Kɛɛ yö -zè =gban 'gü, 'wɔn do 'bha -yö n -zu "piü ka -bha. Yö -mü -dhe me 'bha -nu -wo ka kpö 'gü mü 'ö 'wo zian 'ö Badhaamö -ya sü yi 'bha 'ka bha- 'sü -sü 'ka. -A pö 'a- wo "dhü bha- 'klɔɔ- -mü -dhe Badhaamö bha -nè -da Izraedhö -me -nu -dhe pè "piü yi 'bha 'ka, kë "dhü kö -wo -da Atanna "dhiü, 'yö Badhakö 'ö -kê -a -nu 'yaa- 'ka bha- -klang -kê, "slè -nu 'ö -yaa- kë 'ö Izraedhö -me -nu dho -da Atanna "dhiü -dhe -bhöpè -nu 'wo- -kpa -dhöképè -nu -dhe -a -bhö -sü -nu waa- -zua zè -sü -nu 'dhö bha- 'ka. 15-Kɔ do bha- 'gü me 'bha -nu -wo ka kpö 'gü mü 'ö 'wo -kplü -sü 'ka =sɔng 'ö Nikodha "piü -me -nu -bha bha- -bha. 16-A pö- -nu -dhe -wo wo bo 'wɔn yaa kë -sü 'ka. "Kɛɛ 'yii kë "dhü, a -dho nu ka -ta mü -dede ya- 'gü 'ö 'a 'ko zè 'me 'wo bha- -nu 'ka (n -wu 'ö -dhe) -siangga 'dhö 'ö go n "dhi bha- 'ka.

17'Wɔn 'gü ma -tu 'dhö 'me 'ö- -gɔ -bha, dhiang 'ö Atanna -bha 'nii- 'dhö- zè sië -a -bha 'kɔdhigüme -nu -dhe bha- -me -ya 'gü ma! 'Me 'ö yaa- -to -gblü bha- "kplèè 'ka, 'bluu- 'ö Atanna -ya lɔɔ yi 'bha 'ka Izraedhö -me -nu -dhe kö -wo "tung -ta bha a -dho -a 'dhe 'ö -bin -sü 'ka bha- nu- -me -dhe, 'ö 'a -ya mü 'a -gwè "puu do 'ö 'tɔ -dee 'ö me 'bha -me 'bha 'yaa- dɔ, kö 'yii kë me 'kö 'a- nu- -dhe bha- 'ka bha- nu- -me -dhe.»

**-Wɔ 'dhe 'ö 'me bha 'ö- pö 'me 'wo Tiatii -a  
-nu -dhe -a -dhiang 'ö Zan -za zè**

18=Dhe 'ö =ya kë "dhü, 'yö 'me bha 'ö- pö 'zü n -dhe: «-Bhö 'sëédhe bha- do "wɛɛ 'bha kë kö 'i- bɔ Atanna -bha yékème 'dhe 'ö- -bha 'kɔdhigüme -nu 'wo Tiatii -pö 'gü -a -nu kpö 'gü bha- -dhe. -A pö- -dhe me 'ö yö -nè Atanna

Gbö 'ka, 'ö- "yan 'gü- bhü -dhe peng 'dhö, 'ö- -gen 'ö- =wlöö -a 'bhü- bho -dhe zën 'ö =waa- -bha 'yo -a 'dhö bha -ya -pö: <sup>19</sup>Ka këwɔn "pepe =gban -yö n "yaan, a- 'wɔn dɔ 'kpakpadhö =dhe -dho -yö ka 'gü, =dhe ka -to ka -wu -ta, =dhe ka Atanna -bha yë -kun ka 'nii- 'ka, =dhe ka zuë" -yö -sea. A- 'wɔn -dɔ =dhe yë 'dhe 'ka- kë sië =taamasü ya- 'gü Atanna -dhe bha -yö 'kpii- 'ö -ziö -a -blesü 'ka gun- kë sië bha- -ta. <sup>20</sup>"Kee 'wɔn do 'bha -yö mü 'ö 'yaa n -zu 'kun -sü 'ka ka -bu 'gü. 'Yö -mü =dhe ka ka -kwaa dhebho 'ö ka kpö 'gü mü 'ö =dhe Zezabedhö 'dhö, 'ö- pö ö -du -dhe =dhe Atanna -wu "dhiü -loo -dhe -mü ö 'ka bha- -zü, 'ö 'ka- ga mü "dhü 'ö Atanna -bha me -nu -klang -kë wü 'wo -dhɔkëpë -nu -dhɔkë 'ka bha- -bhö -sü -nu waa- -zua zë -sü -nu 'ka, 'yö- -nu -da Atanna "dhiü. <sup>21</sup>A kë "töng 'në 'bha -nu -dhe kë "dhü kö -yö ö kwaa- 'wɔn yaa kë -sü -zü "këe 'yii "wi- -bha kö -yö ö bo -zua zë -sü 'ka. <sup>22</sup>'Wɔn 'ö- -wɔn 'gü 'yö maa- -zuö "yua see" -ta bha 'yö bha, =ya 'go mü kö 'a 'wɔn bho me "pepe 'wo -da sië- "piü 'pö -kpeawo 'ö 'waa "wi- -bha kö -wo wo bo- 'ka bha- -nu 'gü. <sup>23</sup>'Ya 'go mü 'zü, me "pepe 'wo -ziö -keng- bha a -dho -a =gban zë "pepedhö, kë "dhü kö me "pepe 'wo Atanna -bha 'kɔdhigüme -nu 'ka bha -wa 'wɔn dɔ =dhe ma =në 'a me "bhu- -nu -zugɔnkawɔn -nu waa- -a -nu zuëbhɔbhawɔn =gban dɔ. 'Me 'dhe "dhü a -dho -a =saa bho -a kë -sɔng -nu =në- -bha.

<sup>24</sup>Me -kpea 'ka to 'ö ka -zë 'kii ka -kɔ -da -tosea suu 'ö "dhü- kë -sü 'gü, 'ö ka -zë 'kii 'pë 'ö 'me bha 'wo- -dhe Sɔtraan -bha -gleng 'kɔnë 'gü -dhe bha- dɔ bha a- -pö ka -dhe =dhe 'mii 'dho =kwëe 'gbiin- 'bha -ya ka =gbin-. <sup>25</sup>Ka -zë 'pë 'a dho- pö ka -dhe yö -mü -dhe kö ka -bha 'ö 'ka -kplü -sü 'ka- -bha bha 'ka- 'kun 'gbu- kö -yö zun- 'ka n nu -yi -bha. <sup>26-28</sup>Me 'ö yaa- -to -beang bha- ga 'ka, 'ö yaa- -to n dhɔɔbhaa -zian -ta 'ö to "dhü 'ö- "dhiü 'to "töng -yö -loo, medhe kë -faan 'a- -sɔɔ n Dë "dhiü bha a -dho -a -bha nu 'ö -ya 'ka "segɔ -nu -gɔ "dhiü, 'ö medhe -kë -a -nu -ta -piöga -sabhlü 'ka, 'ö- -nu 'gü wü- 'ka -dhe me- "se gbɔ wü, 'ö ma 'ö ma =në 'wo n -dhe -dhekpao "dhiü "susëng bha 'a dho 'a -tosea -kë -a -me "piü 'pö.

<sup>29</sup>-A -kë "dhü -sü bha- 'gü, 'wɔn 'gü ma -tu 'dhö 'me 'ö- -gɔ -bha, -a -me -yö "tu 'to 'wɔn 'ö Atanna -bha 'Nii- 'dhö- pö sië -a -bha 'kɔdhigüme -nu -dhe bha- -bha -së 'ka kö -ya 'gü ma.»

### -Wu 'ö 'me 'ö Zan -ya yö bha 'ö- pö Saadö -me -nu -dhe

**3** <sup>1</sup>'Yö go mü 'zü 'ö- pö n -dhe: «Zan, -bhö 'sëedhe bha- do 'bha -ben zë 'zü kö 'i- bɔ Atanna -bha yëkëme 'ö zun sië- -bha 'kɔdhigüme -nu 'wo Saadö -a -nu -dhe "dhiü bha- -dhe kö 'i- pö: «'Me 'ö Atanna -bha 'nii- "saɔplë bha 'wo- -kɔ -bha waa- -a -bha "susëngga "saɔplë 'dhö bha -ya -pö: Ka këwɔn -nu bha- 'bha 'yaa n tii' 'ka. -A -naa -yö n "yaan -dhe -yö me "bhu- -nu -zë -a -nu 'gü =dhe ka "yaan, "këe 'sa kö me =gee =në ka 'ka. <sup>2</sup>-Ka -bö kö- 'dhe 'në 'ö to ka -gɔ 'ö yö -zë 'yii "dhuu =kö bha 'ka- -fɔɔ bho kö- -kpea 'ya 'dho "dhuu do. -A -gen -mü =dhe ka këwɔn -nu bha- 'bha 'yaa

ma Atanna -zv 'kun -së 'ka. <sup>3</sup>-A -kë "dhü -sü bha- 'gü, ka -zv -yö -bö 'wɔn -nu 'wo ka -klang -kë 'ka bha- 'ka kö ka -zv -yö -bö 'pö -kɔ 'ka- ma- 'ka bha- 'ka, kö 'ka- -ya -bhlëë 'gü, kö 'ka ka -taa zun 'wɔn yaa kë -sü -gɔ. "Këe 'kii -bö -zë wo kö 'ka -ya ka "yaan, a -dho nu 'a -kan ka 'gü -dhe -kwaanme 'dhö, 'ö 'kaa n -nu "tüng dɔ. <sup>4</sup>"Këe 'sa ka -bha -kë "dhü -sü -gban waa- -bha -bha, kaa- mɛ -nu 'wo Saadö mü bha- mɛ 'bha -nu -wo mü 'ö wo -zë 'wii wo -bha -sɔ -dhii 'kun. Yeng- -nu yi -dho "ta yi "kwëë kö sɔ "puu -ya -nu -bha, -a -gen -mü -dhe -wo -mɔɔ -sü 'ka sɔ "puu bha- -da -sü -bha. <sup>5</sup>Me 'ö dho -beang bha- ga 'sü, -yö -dho sɔ "puu -në- -da 'pö -dhe -kɔ bha- 'dhö, 'mii 'dho- 'tɔ bho Atanna -bha 'sëédhe 'ö 'mɛ 'wo dho -tosea kë- 'piü -a -nu 'tɔ 'dhö- 'gü bha- 'gü. 'Ö -ya mü 'zü 'a dɔ n Dë Atanna waa- -bha "kië -nu -a -nu wëédhö 'a- pö -dhe ma mɛ -mü.

<sup>6</sup>'Me 'ö- 'wɔn 'gü ma -tv 'dhö 'dhö -yö 'wɔn 'ö Atanna -bha 'Nii- 'dhö- pö sië -a -bha 'kɔdhigümɛ -nu -dhe bha- 'gü ma.»

**-Wu 'ö 'mɛ 'ö Zan -ya yö bha 'ö- pö Atanna -bha mɛ -nu 'wo Fihadefi -a -nu -dhe**

<sup>7</sup>'Yö 'mɛ bha 'ö- pö 'zü n -dhe 'ö- pö: «Zan, -bhö 'sëédhe bha- do 'bha -ben zë kö 'i- bɔ 'mɛ 'ö Atanna -bha yëkëmɛ 'ka -a -bha 'kɔdhigümɛ -nu 'wo Fihadefi -pö 'gü bha- -dhe kö 'i- pö: 'Me 'ö 'slüöslü, 'ö -sɔng 'yaa- -bha, 'ö -waa- pö teanwɔn, kö -wo -wɪ yö -në- 'ka, 'ö Davi -bha -gblüdédhe -dhaklɪ 'dhö yö -në- -gɔ, 'ö -yaa- "pu 'ö mɛ "wɛɛ 'bha 'yaa -mɔɔ- -bha kö -ya ta, "ɛɛn 'ö -yaa- ta, 'ö mɛ "wɛɛ 'bha 'yaa -mɔɔ- -bha kö -ya "pu bha -ya pö: <sup>8</sup>«Pë "pepe 'ka- -kë, -a -gban -yö n "yaan. A- 'wɔn -dɔ -dhe "sɪ 'gbɛ 'yaa ka -dhe. "Këe 'sa yö -zë -gban 'gü ka kë n -wu bha- -bhlëë -ya "pepedhö 'ö 'ka to ka -wu -ta n -dhe. -A -wɔn 'gü, zian 'a- 'dhi -pu ka -gɔ bha- tame 'yaa 'dhö. <sup>9</sup>-Suakëmɛ -nu 'wo- pö wo -dɪ -dhe wo -bɔ Atanna 'ka, "këe kö -wo Sɔtraan -në- -bha -gɔ 'gü bha 'wɔn 'a dho- kë- -nu 'ka -kaa -ga 'ö ya: A -dho n faan wɔ- -nu -ta 'ö 'wo nu 'wo zun ka -dhe wo kpiö 'gü, 'ö 'wo -gbɛɛv -kë ka -dhe, 'ö 'wo- 'wɔn dɔ -dhe ka -dho =dede -yö n -kë. <sup>10</sup>-Dhe 'ö -kë -dhe -a pö 'a- wo ka -dhe 'ka ka zuë" -në- kë -sea kö 'wɔn -gban -wɔn -gban -yö 'kun bho ka 'gü bha, ka kë- -kë -dhe -kɔ 'a- pö- 'ka ka -dhe -a 'dhö bha, mang -dɪ 'pö a -dho ka -maa kë "tüng 'gbu- 'ö nu sië, 'ö 'a dho 'wɔn wɔ- 'ka "kpungtaadhe -todhüsü -ta bha- 'ka 'ö 'a ka -zë ka dha- -gɔ. <sup>11</sup>N nu "tüng 'yaa -gblɛɛn 'zü. -A 'kun -në- -kaa wo "gbu- kö mɛ 'bha pia" 'ya 'dho dhi ka -bha -bhɔ 'gü 'faan- bha- 'ka. <sup>12</sup>'Mɛ 'ö yaa- -to -a "gbu- 'ka, a -dho -a -mɛ kë ma Atanna -dhɔkägükɔ bha- -gen do 'ka, 'ö 'yaa zun "kpenng 'zü tongtongdhö, 'ö 'a ma Atanna waa- -bha Zedhizadhemö -pö -dee 'ö dho 'go- "piü dhang- 'gü 'ö -lɔɔ bha- -nu 'tɔ -ya -a -mɛ -bha. 'Ö 'tɔ -dee 'ö n -bha bha 'a- -ya -mɛ -bha 'pö.

<sup>13</sup>-Dhe 'ö "dhü, 'mɛ 'ö- 'tv 'dhö 'dhö, -ya dɔ dhiang 'ö Atanna -bha 'Nii- 'dhö- zë sië -a -bha 'kɔdhigümɛ -nu -dhe bha- -bha 'kpakpadhö kö -ya 'gü ma!»

**-Wu 'ö 'me 'ö Zan -ya yö bha 'ö- pö me 'wo  
Dhaodise -a -nu -dhe -a -dhiang 'ö- zë**

<sup>14</sup>Yö- pö: «-Bhö 'sëédhe bha- 'bha kè kò 'i- bɔ 'me 'ö zun sié Atanna -bha 'kɔdɔhigüme -nu 'wo Dhaodise -a -nu -dhe "dhiü bha- -dhe. -A pö- -dhe 'me 'ö Atanna "sɛɛ- 'ka, 'ò teanwɔn =në- pö, "kɛɛ 'ö 'yaa -wu =plɛ pö, 'ö yö =në pè "pɛpɛ 'ö Atanna -ya -da -a =gban kpu -sü -bha -kpu 'ka, 'ö 'wo yö =në -dhe -yö kè "dhü bha -ya -pö: <sup>15-16</sup>A ka kèwɔn =gban dɔ. 'Kaa 'yi "wɔsü 'ka, "ɛɛn 'kaa 'yi -sea 'ka. 'Ka dho kè "wɔsü -ka kè "wɔsü do, 'ka dho kè 'zü -sea -ka kè -sɛa do, "kɛɛ 'ka 'to 'zɔzɔ 'ka a -dho -pɛ ka 'ka. <sup>17</sup>Ka- pö ka -dɪ -dhe =dhe =naɔ -yö ka -gɔ, 'ka =mɔɔ, ka -ma -wɔn 'yaa pè 'bha -bha 'zü, 'kaa- 'wɔn dɔ =dhe -wëème 'ö 'se ya- 'gü -a -gɔ -mü ka =në ka 'ka, =dhe "flɛɛme 'bha 'yaa ka -zë ka zian- 'gü, =dhe ka ka 'kpee- -zian 'ka 'ö ka 'yan -nu =gban 'wo =wli 'ka- -ta. <sup>18</sup>-A -kè "dhü -sü bha =në- -wɔn 'gü, 'yö 'a- pö ka -dhe =dhe 'ka nu, kò 'ka "sënng 'ö =waa- gbo =gban bho- 'gü "pɛpɛdhö bha- 'dhɔ n -gɔ, kò 'ka kè =naɔme =dede 'ka, kò 'ka sɔ "puu 'dhɔ kò 'ka ka 'kpee- -ta kpa- 'ka kò 'yiü- 'ya 'dho ka kè, kò 'ka "yan kè =bedhe 'dhɔ kò 'ka- kè ka "yan -bha kò 'ka -dhe yö. <sup>19</sup>-A pö 'a- wo ka -dhe "dhü bha- 'klɔɔ- -mü =dhe 'me 'ö- -dhɔ -yö n -kè =në 'a -dhio dɔ- -ta 'yö 'a- "klɔ bho. -A -kè "dhü -sü bha- 'gü, -ka ka 'gü dɔ "gbu- kò 'ka bo 'wɔn yaa kè -sü 'ka. <sup>20</sup>-Ka -dhe -ga, a dɔ sié ka -gɔ "kwɛɛ -bha, a- -tama sié. 'Mɛ 'ö =ya n -wu ma kò -yö "kwɛɛ "pu n -gɔ, a -dho -da -mɛ -gɔ 'kɔɔdhö 'ö yaa- -mɛ 'yi pè -bhö yi "kwëé. <sup>21</sup>-Gɔn bha 'me 'ö yaa- -gɔn kò -ya ga 'sü, a -dho -a -mɛ -ya n "sɔɔ ma -blüédhe -gbloo -ta, =dhe -kɔ 'ö mang -dɪ 'pö 'a- ga sü- 'ka, 'ö 'a dho 'a -ya n Dë "sɔɔ, -a -bha -blüédhe -gbloo -ta bha- 'dhö.

<sup>22</sup>-A -kè "dhü -sü bha- 'gü, mɛ "ɔɔ mɛ 'ö- 'wɔn ma -tu 'dhö 'dhö, -yö dhiang 'ö Atanna -bha 'Nii- 'dhö- zë sié -a -bha 'kɔdɔhigüme -nu -dhe bha- ma.

**Atanna -yata -gbloo 'ö dhang- 'gü waa- -zü -pë  
-nu 'ö Zan -ya yö -a -dhiang 'ö- zë**

**4** <sup>1</sup>-Dhe 'ö 'wɔn 'dhe -nu bha =wa bo kè -sü 'ka =dhe -kɔ -nu bha- 'dhö, 'a dho "kan n -ta kò dhang- "dhi -ya "pu, kò mɛ do 'ö gun dhiang zë sié n -dhe, 'ö- -wu -kè -dhe "truu -wu 'dhö bha -ya pö sié n -dhe 'ö- pö: «-Bhö -tɔn 'kun kò 'i nu yö kò 'wɔn 'dhe -nu 'wo dho kè -a 'dhe bha- zian- -ta bha 'a- -nu -zɔn i -dhe.»

<sup>2</sup>Ö ö bo- -pö n -dhe "dhü -sü 'ka bhoo, 'yö 'Nii- "slüüslü -yö n sü -dhe 'gbu- -yö mɛ sü, 'yö dho n 'ka dhang- 'gü. -Dhe 'ö dho n 'ka- 'gü bha 'a dho -dhe -ga mü kò -blüédhe -gbloo do -yö -ya sü 'ka mü, kò mɛ do 'bha -yö -ya -sü 'ka- -ta. <sup>3</sup>"Kɛɛ 'me 'ö gun -ya -sü 'ka- -ta "dhü bha- wëédhe "yan- -bho -glënglëndhö -dhe -gwë =bhlëésü =gbleyidhe suu 'bha 'wo- Zasipö -kè bha waa- -zaɔndhö 'wo- Saaduanö -kè bha- -nu "yan bho -kɔ bha-

'dhö. Kö -kpöng 'ö do dha -gɔ bha- 'dhe 'ö -klëen -sü 'ka -gbloo bha- zü bha- 'yan- bho sië 'pö -glënglëndhö -dhe gënnɔ' -gwë bha- 'dhe 'wo- dhe Medhodö bha- 'dhö. <sup>4</sup>Kö -gbloo "wɛɛ -kaɔng -plɛ ga -yiisiö 'bha -wo -klëen -sü 'ka 'zü -a 'kpiisü bha- -zü, 'ö me zizi -nu -kaɔng -plɛ ga -yiisiö 'ö so "puu 'dhö- -nu -bha bha 'wo -ya -sü 'ka- ta 'dɔɔndhö, kö "sënnɔ faan- -ya -nu -gɔ -bha. <sup>5</sup>Kö dha -yö "yan 'kun sië -dhe 'ö -gbloo 'kpiisü bha 'ö gun -ya sië- -bha bha- 'gü, 'ö -gbla, 'ö pë 'bha -nu -wo -wɪ mü -nu wo 'ö me "tu- -da -wu 'gü -wuudhö. Kö "sɔng "saɔplɛ -wo 'pu sië -gbloo 'kpiisü bha- wëëdhö. 'Nii- "saɔplɛ 'ö go Atanna "piü bha -në 'wo gun 'pu sië "dhü bha. <sup>6</sup>Kö -gbloo 'kpiisü bha- wëëdhe "yan- bho sië -mina -minadhö -dhe -gban 'gü mɔɔdhö -dhe 'pë 'ö gënnɔ' -gwë "puu 'ö -dhe "dënggbɔ 'dhö bha -në -waa- zun 'kwëë- -dhe -gban 'gü 'ö -ya kë -dhe "yitagbea 'bha 'dhö -a 'dhö. Kö pë "yaandhe 'bha -nu 'ö- -nu "yan 'dhö -loo -sü 'ka- -nu kwi -bha -yëen 'këëndhö -a -nu "dhiü -dhe waa- -nu -taama -dhe -nu -gban 'gü bha- -yiisiö -wo -klëen -sü 'ka -gbloo bha- -zü "pean -gban "piü. <sup>7</sup>Pë "yaandhe -nu 'wo "dhü bha- -blɛsü 'a- yö bha -yö -bho laa -në- -bha. 'Yö- -plɛ -naa -yö bho -du 'në -bha. 'Yö- -yaaga -naa wëëdhe -yö bho mebhudhe -bha -bha. 'Yö- -yiisiö -naa -yö bho "gblëë- 'ö -wlö sië- -bha. <sup>8</sup>Pë "yaandhe -yiisiö 'wo "dhü bha- do gban- -gun "saɔdo, 'yö- -nu "yan 'dhö gun =mɔɔ -sü 'ka- -nu kwi 'gü -dhe -gban "pepe 'gü. -Yö -gun -nu kwi 'gü 'kɔɔdhö 'ö gun- -nu -bha "kpenngdhe -nu -gban 'gü. -A -nu -bha yë 'ö 'dhö, 'ö 'wo =gloo- -bha 'wo -wɔ 'gü "yaan yö -mü 'tɔ -loo 'mɛ 'ö -ya -sü 'ka -gbloo 'kpiisü bha- -ta bha -në- -bha -sü 'ka 'wo- pö: «Me 'ö "slüöslü, 'ö "slüöslü, 'ö "slüöslü, yö -mü kwa Dëmɛ, kwa -bha Atanna 'gü "gbusü 'ö gun, 'ö 'dhö -kpeawo, 'ö dho 'to -todhö 'ka bha -në- 'ka.» <sup>9</sup>Me 'ö -ya -sü 'ka -gbloo 'kpiisü bha- 'gü 'ö- bho -yi 'yaa 'dhö kö yöö -nu 'to ga -yi -në- -bha bha, pë "yaandhe -yiisiö bha -wa "wɪ- "piü, -wa 'tɔ -loo- -bha kö -wa nuɛ" bho -kɔ 'ö- 'gü 'do 'do, <sup>10</sup>'Yö me zizi -nu -kaɔng -plɛ ga -yiisiö bha 'wo zun wo kpiö 'gü 'mɛ 'ö -ya -sü 'ka -gbloo 'kpii- bha- 'gü, 'ö 'dhö -todhö 'ka bha- -kuu "dhiü, 'yö 'wo- -dhɔkë. 'Yö 'wo woo- "sënnɔ 'faan- -nu 'ö- -nu -gɔ -bha bha- bho mü 'yö 'wo- -zuö -gbloo 'kpiisü bha- wëëdhö kö -wa pö sië: <sup>11</sup>«Aa! Yi Dëmɛ, yi -bha Atanna, -a -dhe -mü -dedewo. -A -dhe -mü kö bhi -në i 'tɔ -yö bho, kö -bhlëë -yö -ya i -bha, kö 'gügbudhe -yö kë i -gɔ. -A -gen -mü -dhe bhi -në 'i pë suu -gban "pepe -da. -A -nu -bha kë -sü 'ö 'wo -tosea -kë bha -yö -ga bhi -në i 'gü.»

'Sëëdhe -be 'ö- "dhiü 'dhö ta -sü 'ka -gen -yan 'ka "saɔplɛ waa- Atanna -bha "bhlaanë 'ö- "pu -mɛ 'ka -a -nu -dhiang 'ö Zan -ya zë

**5** <sup>1</sup>'Ö go mü 'yö 'a 'sëëdhe do 'bha yö 'mɛ 'ö gun -ya -sü 'ka -gbloo bha- 'gü bha- -kɔ -së 'gü, kö -yö -be kë -sü 'ka, "kɛɛ kö -yö -ben zë -sü 'ka 'ö 'gü 'kɔɔdhe waa- "kpenngdhe -nu -gban 'gü, kö- "dhiü -yö ta -sü 'ka gɔgɔtɔdhö kö 'klëë- -yö 'kpɔ -sü 'ka- -bha -dhe "saɔplɛ bha- -gban 'gü. <sup>2</sup>'A

dho "kan n -ta 'zü kö Atanna -bha "kië 'gü "gbu- do 'bha bha -yö "gbla sië "gbu- 'ka 'ö- pö: «Dee 'dhö, 'ö 'klëë- -kpö 'sëédhe ya- -bha -pë ya- 'wü -sü kö -wa "dhiü "pu bha- 'sü 'dhö- -dhe, 'ö =mɔɔ- -bha 'ö- -kë.»<sup>3</sup> "Kee 'yö me 'yii =slɔɔ dhang- -zian 'gü kö yöö 'to "kpongtaadhe waa- 'se =wlöö =dhe =në- -bha, kö -yö 'sëédhe bha- "pu kö -yö -dhe -ga 'gü. <sup>4</sup> 'Yö 'a zun "gbu bɔ -sü -bha -dedewo -səbhɛ 'ka me 'yii =slɔɔ 'ö- wo kö -yö 'sëédhe bha- "pu kö -yö -dhe -ga 'gü bha- -wɔn 'gü. <sup>5</sup> "Kee 'yö me zizi -nu bha- me do -ya pö n -dhe 'ö- pö: «'Bha 'dho "gbu bɔ, -a -gen -mü =dhe Davi suu 'gü -në 'ö "kplëëm 'ka Zuda -kɔdhi 'gü bha =në 'sü 'dhö- -dhe, yö =në- -kɔ =ya ziö pë =gban "pɛpɛ -gɔ, yö =në =mɔɔ- -bha 'ö 'klëë- -kpö 'sëédhe bha- -bha -pë "saɔplɛ bha- =gban wü 'yö -dhe -ga 'gü.»

<sup>6</sup> =Dhe 'ö =ya kë "dhü, 'a dho -dhe -ga kö "bhlaanë do 'ö "kpaa 'dhö- -bha -yö dɔ -sü 'ka 'ö -gɛan -gbloo 'kpiisü 'ö pë "yaandhe -yiisio bha waa- me zizi -nu bha 'wo =klëën -sü 'ka -zü bha- wëédhe =dede 'gü. "Bhlaanë bha -yö -gun =dhe 'pë 'wo kë- zë =në- bho "kee 'yö "yaan 'zü -deewo 'dhö. -A -sö -gun "saɔplɛ, 'yö- "yanga -yö gun 'pö "saɔplɛ. -A "yanga bha =në gun Atanna -bha 'nii- "saɔplɛ 'ö- -nu bɔ "se -ta -dhe =gban "pɛpɛ 'gü bha- 'ka. <sup>7</sup> =Dhe 'ö =ya kë "dhü 'yö "bhlaanë bha 'ö "ta sü 'yö =yɔɔn 'me 'ö gun -ya -sü 'ka -gbloo 'kpii- bha- 'gü bha- "sɔɔ, 'yö 'ö -kɔ -da 'sëédhe -be 'ö gun- -kɔ -së 'gü bha- 'gü. <sup>8</sup> =Dhe 'ö 'ö -kɔ -da 'sëédhe bha- 'gü "dhü, 'yö pë "yaandhe -yiisio bha waa- me zizi -kaɔng =plɛ ga -yiisio bha 'wo zun- -dhe wo kpiö 'gü, kö me zizi -nu bha -kɔ 'wo- -bha 'do 'do, kö kɔnng -ya -nu =gban -kwɛɛ-, waa- "sɛnngbɔnë -nu 'ö -dhasiklɔɔ 'dhe 'wo- -gü bha 'ö- 'gü -a 'dhö. Atanna -bha me -nu -bha bhea" -wu -nu 'ö dho- "piü bha =në gun -dhasiklɔɔ bha- 'ka. <sup>9</sup> 'Yö 'wo "tan -dee do bho 'wo- pö:

«I -bha 'sëédhe bha- 'sü -sü  
kö 'i- "dhiütadhe =gban "pu  
kö 'i- -dhe -ga 'gü -dhe -mü tɛan- =dede 'ka.  
-A -gen -mü =dhe -wo kë bhi =në i zë,  
'yö 'i me 'gbɛ =dede -gɔ -ta dhɔ Atanna -dhe  
ga 'i- wo bha- 'saa- 'gü,  
'yö 'i "siya =gban suu 'do 'do sü  
waa- me suu =gban "pɛpɛ 'do 'do 'dhö  
"se suu 'do 'do =gban 'gü  
kë "dhü kö -wo kë Atanna -bha 'ka.

<sup>10</sup> 'Yö 'i- -nu -kë kwa -bha "saabhɔmɛ -nu 'ka  
kö -wa -bha yë kë,  
'yö 'wo dho -ya "kpongtaadhe -gɔ "dhiü.»

<sup>11</sup> A -to -dhe 'dhe bha- -ga -dhe 'gü, 'yö n "tu 'dhö -da Atanna -bha "kië kpö 'gbɛ =dede -wu 'gü, -wo -gun "gblü mɛɛ -ta -mɛɛ, dhung 'yaa gun- -bha, kö -wo =klëën -sü 'ka Atanna -bha -blüédhe -gbloo bha- -züzüdhe =gban "pɛpɛ 'gü waa- pë "yaandhe -nu bha waa- me zizi -nu bha- 'dhö. <sup>12</sup> Kö -wo

"tan bho sië "gbu- 'ka 'wo- pö: «"Bhlaanë 'wo- zë kö -yö kë me "bhu- -nu -bha "saa- 'ka bha, 'gügbudhe oo, medhe -nu oo, 'wöndödhe waa- faan -nu oo, =bhlëë waa- 'töbhödhe -nu -wa yö =në- -gö. -A -dhea -bha =dhe me -gban "pepe -wa yö =në- -dhökë, kö -wa nue" bho.»<sup>13</sup> Dhe 'ö -ya kë "dhü, 'yö n "tu 'dhö -da 'pö Atanna -bha -da -pë -nu 'wo dhang- 'gü 'wo "kpung -taa, 'wo "se =wlöö waa- -a 'dhe -nu 'wo =weeyi -bhaa, 'pë "pepe 'kö Atanna -ya -da -a -nu =gban -wu 'gü kö -wo "tan bho sië 'pö 'wo- pö: «'Me 'ö -ya -sü 'ka -gbloo 'kpiisü -ta waa- "bhlaanë bha =në- -dhe 'dhö- -bha =dhe -wa -nu nue" bho, kö -wo =bhlëë -ya -nu -bha, kö -wa -nu 'tö bho, kö 'gügbudhe -yö kë- -nu -gö -todhü 'ka.»<sup>14</sup> Waa- "tan bha- bho "dhü, 'yö pë "yaandhe -yiisiö bha 'wo- -yö b' 'wo- pö: «Kö -yö kë "dhü bha 'aa -yö kë.» 'Yö me zizi -nu bha 'wo zun wo kpiö 'gü, 'yö 'wo- -dhökë.

**Klëë- -kpo 'sëédhe -bha -pë "saöple bha- 'pu -kö -dhiang 'ö Zan -ya zë**

**6** <sup>1</sup>A -to -dhe bha- -ga -dhe 'gü, 'a dho "kan n -ta kö "bhlaanë bha -ya 'sëédhe "dhiü -ta 'ka -pë "saöple bha- -blëesü "pu. 'A dho n "tu 'to kö pë "yaandhe -yiisiö bha- -do -ya pö sië -wu "gbu- 'ka =dhe dha 'ö -wü -a 'dhö 'ö- pö: «-Bhö nu!»<sup>2</sup> 'A dho "kan n -ta 'zü kö =soo "puu do =ya -wo, kö me do -ya -ta, "këë kö 'me 'ö- -ta bha 'saö- -ya =kwëë-, 'yö 'wo me -dhe 'faan- -ya -a -gö -bha, 'yö dho =dhe "kplëë 'kpii- 'ö 'dho sië -gblü -bha -a 'dhö, kö -yö "se kun -gblü 'ka.

<sup>3</sup>'Yö "bhlaanë bha 'ö 'pë bha- -ple -naa -pu. 'Yö pë "yaandhe -yiisiö bha- -ple -naa -ya pö: «-Bhö nu!»<sup>4</sup> 'A dho -dhe -ga 'zü kö =soo -zaöndhö do 'ö -yöön =wënnng -sü "blëen- 'ka bha -yö nu sië. 'Me 'ö gun- -ta bha 'yö 'wo- gba -gblü -da -faan 'ka kö -ya -da "kpung -taa, kö me "bhu- -nu -wo wo 'ko zë. 'Yö 'wo dho 'wo- gba -siangga 'kpii- do 'ka.

<sup>5</sup>'Yö "bhlaanë bha 'ö 'pë bha- -yaaga -naa -pu, 'yö pë "yaandhe bha- -yaaga -naa -ya pö: «-Bhö nu!» 'Yö 'a -soo tii do yö kö -yö nu sië. Kö 'me 'ö- -ta bha pë -dan 'ka -tea do -ya =kwëë-. <sup>6</sup>'Yö 'a -wu do 'bha ma kö -yö 'go sië pë "yaandhe -yiisiö bha- -nu kpö 'gü 'ö- pö "gbu- 'ka 'ö- pö: «-Bhö -mlüga waa- "klëënga bha- -nu dan kö 'i- "dhö -siö. -Wo -mlü 'tea- -yan do 'dho 'wëëga 'wo -dhekpaoyi do -yë -saa bho- 'ka bha- 'ka, kö -wo "klëën 'tea- -yan -yaaga 'dho "dhü 'pö, "këë 'bha 'dho 'yöön waa- we -zë -a -nu "dhö -siö.»

<sup>7</sup>'Yö "bhlaanë bha 'ö 'pë bha- -yiisiö -naa -pu. 'Yö pë "yaandhe bha- -yiisiö -naa -ya pö: «-Bhö nu!»<sup>8</sup> 'A dho -dhe -ga kö =soo do 'ö- kwi- -kë -dhe game kwi 'dhö bha -yö nu sië, 'me 'ö -ya -sü 'ka- -ta bha -wa -dhe -ga, kö =geeböddhe -ya =keng-. 'Yö 'wo "se -pë 'gü -yiisiö, 'yö 'wo- "pen do nu- -dhe, kö -wa 'gü -me -nu =gban -gö -ya -siang -ta, kö -wa me 'bha -nu zë din- 'ka, kö -wo "yua -da me 'bha -nu 'gü kö -ya -nu zë, kö -wa me 'bha -nu "dhiü do "bü -wü -nu -gö kö -wa -nu zë 'pö.

<sup>9</sup>'Yö "bhlaanë bha 'ö 'pë bha- "söddhu -naa -pu. 'A dho -dhe -ga kö 'me 'wii 'go wo -wu -ta, 'ö 'wo- -nu zë -a -nu -bha -kë Atanna "sëë- 'ka -sü -wöön

-në- 'gü bha- nu 'nii- -yö -loo sië "saa- -bho -ta -gwë "klu 'wo- -kan mü bha- -wloö. <sup>10</sup>Kö -wo "gbla sië "gbu- 'ka 'wo- pö: «Yi Dëme 'i "slüüslü 'ö 'bhaa -sua kë, -më yi -në 'i dō sië- -gō -tōn kö 'i 'wōn wō "kpungtaame -nu -ta, kö 'i bhlōw bho yi 'gü yi zë 'wo- wo bha- -wōn 'gü?» <sup>11</sup>'Yö 'wo -tōyang "puu -da 'më 'wo bha- -gban -bha 'yö 'wo -kō -ya -nu zuë" -ta 'wo- pö -wo wo zuë" 'në 'dede -da mü kö -wa -nu dheebhang -nu, -a -nu Atanna -bha yëkëyōw -nu -kpea 'wo to -a -nu zë 'pö -dhe- -nu 'dhö, kö- -nu "dhiü -yö pa.

<sup>12</sup>=Dhe 'ö -ya kë "dhü, 'yö 'sëedhe "dhiü -ta 'ka -pë bha- "sawdo -naa 'ö to bha 'yö "bhlaanë bha 'ö- -pu. 'Yö "se 'dhö -ya =zii -sü -bha, 'yö 'yënnng- -gō -yö =tröō -blünblündhō =dhe =gla 'yi 'dhö, kö "su -zë -ya kë =dhe =yōwōn 'dhö. <sup>13</sup>'Yö "susëngga -nu 'wo -ya 'go -sü -bha dhang- -bha 'wo =wënnng -blubludhō =dhe mangglo -kpo -nu 'wo =wënnng kö "tëe "gbu- -ya ziö bha- 'dhö. <sup>14</sup>'Yö dhang- -yö dho =dheng -sü 'ka =dhe -kō 'wo sëe" -be -kë 'ka =sië bha- 'dhö, kö -tōn -nu waa- "se -nu 'wo "yi =zinng 'gü -dhe -nu 'gü -wo 'dho sië -go "gbluv -sü 'ka 'pö. <sup>15</sup>"Tōng 'ö kë sië- 'ka "dhü bha kö -gblüdë -nu 'wo "kpung =taa oo, "sëgō "dhiü -më -nu oo, "sōdha -gōmë "gblügblü -nu oo, =naōmë -nu oo, 'gügbudhe 'dhö më "pëpë 'ö- -gō waa- më "pëpë -kpea 'wo to, =dhuëng -nu, waa- 'wloō- -nu 'wo 'dhö kö -a -nu =gban -wo wo -gblen 'kpo sië -tōn =zinng 'gü -dhe -nu waa- -gwë -yë 'gü -dhe -nu 'gü, <sup>16</sup>'wo- pö -tōn -nu waa- -gwë 'gbōng -nu -dhe -ka nu kö 'ka kpa yi -ta kö 'më 'ö -ya 'sü 'ka -blüedhe -gbloo 'kpiüsü -ta bha 'ya 'dho yi yō 'ö nëng 'ö "bhlaanë yōō- -ya yi -bha bha 'ö yi -slōō. <sup>17</sup>-A pö 'wo- wo "dhü bha- 'klōō- -mü -dhe kö "bhlaanë waa- Dë bha- -nu -bha -mawōnsiödhe "tōng "gbu- bha -ya -loo, kö -dō "tëe -gō -më 'yaa 'dhö.

**Më "gblü këng do -kō -yiisiö waa- më "gblü -yiisiö 'ö Atanna -yö 'klëe- kpo- -nu -bha Izraedhō -se 'gü 'ö Zan -ya -dhe yō -a -dhiang 'ö zë**

**7** <sup>1</sup>=Dhe 'ö 'wōn bha -ya bo -kë "dhü -sü 'ka, 'a dho -dhe -ga, kö Atanna -bha "kië -yiisiö -wo dō sië "se "gwënnng 'gü -dhe -yiisiö bha- -gban 'gü, kö "tëe -gō -yiisiö 'wo "kpung =taa bha =waa- 'kun kö -ya -nu -gō, Kë "dhü kö "tëe 'ya 'dho ziö "kpung =taa, "ëen =weeyi -ta -dhe "ëen "dhü -zian 'bha -bha tongtongdhö. <sup>2</sup>'Yö 'a- -bha "kië "wëe do 'bha yō kö -yö 'go sië 'yënnng- -wo -zian 'ka 'ö nu "këe kö Atanna "yaandhe bha- -bha 'klëe- -kpo pë -bha -pë -ya =kwëe-. 'Yö- pö Atanna -bha "kië -nu 'ö "se waa- =weeyi -nu 'gü see- -faan nu- -nu -dhe bha- -nu -dhe "gbu- 'ka 'ö- pö: <sup>3</sup>«Ka 'dho 'wōn yaa 'bha kë "kpungtaadhe "ëen =weeyi waa- "dhü -nu 'bha 'ka -kō kö 'yi 'klëe- 'kpo më "pëpë 'wo kwa -bha Atanna -bha gwëezë -nu 'ka Izraedhō -se 'gü bha- -nu -kpong 'gü -dhe -bha.» <sup>4</sup>=Dhe 'ö -ya kë "dhü, 'yö 'më 'wo 'klëe- kpo- -nu -bha "dhü bha 'wo- -nu "dhi pō n -dhe. 'Yö 'wo -kë më "gblü këng do -kō -yiisiö waa- më "gblü -yiisiö. 'Më 'wo go Izraedhō -se -todhüsü 'gü =në 'wo gun bha. <sup>5</sup>-A më "gblü -kaōng do ga =plë- -go Zuda -kōdhi 'gü, 'yö- -kaōng do ga =plë -yö go Dhuben -gō 'kōōdhö, 'yö- më "gblü -kaōng

do ga =ple 'bha -yö go Gadö -kɔ 'gü, <sup>6</sup>'yö- -kaɔng do ga =ple 'bha -yö go Aseɛ -gɔ 'kɔɔdhö, 'yö- -kaɔng do ga =ple -yö go Nɛfutadhi -gɔ 'kɔɔdhö, 'yö- -kaɔng do ga =ple 'bha -yö go Manase -gɔ 'kɔɔdhö, <sup>7</sup>'yö- -kaɔng do ga =ple 'bha -yö go Simeɔn -kɔ 'gü, 'yö- 'bha -yö go "dhü Dhevi -gɔ 'kɔɔdhö, 'yö- 'bha -yö go "dhü Isakaa -gɔ 'kɔɔdhö, <sup>8</sup>'yö- 'bha -yö go "dhü Zabidhɔng -gɔ 'kɔɔdhö, 'yö- 'bha -yö go "dhü Zosefu -gɔ 'kɔɔdhö, 'yö- 'bha -yö go "dhü Benngzame -gɔ 'kɔɔdhö, 'yö 'wo 'klëe- kpɔ- -nu -bha.

### Me kpö -ziisü 'ö Zan -ya -yö Atanna wëédhö -a -dhiang 'ö- zë

<sup>9</sup>=Dhe 'ö =ya kè "dhü, a -dho -dhe -ga 'zü kö me kpö -ziisü 'ö me 'bha 'yaa =mɔɔ- dhung -sü -bha, 'ö go "segɔ 'do 'do =gban 'gü, "siya suu 'do 'do =gban 'gü, me suu =gban "pɛpɛ 'do 'do, waa- -wu suu 'do 'do =gban pö -me -nu bha -wo dɔ sië -gbloo 'kpiisü bha waa- "bhlaanë bha- -nu wëédhö, kö sɔ "puu -ya -nu -bha, kö "sɔɔndhe -ya -nu =kwɛɛ-. <sup>10</sup>Kö -wo "gbla sië "gbu- 'ka 'wo- pö: «Kwa -bha dha -sü -yö -ga kwa -bha Atanna 'ö -ya -sü 'ka ö -bha -blüdédhe -gbloo -ta bha waa- "bhlaanë bha =në- -nu 'gü.» <sup>11</sup>Kö Atanna -bha "kië -nu "pɛpɛ 'wo 'dhö, =wa =klëen- -bha -gbloo bha waa- me zizi -nu bha waa- pë "yaandhe -yiisü bha- -nu -zü. 'Yö 'wo zun wo kpiö 'gü, kö -wo Atanna -dhɔkë sië <sup>12</sup>'wo- pö:

«-Yö kè "dhü, yi Dë Atanna, bhi =në 'i 'dhö,  
-a -dheɛ -bha =dhe me =gban -wo bhi =në i -dhiang -së zë,  
kö -wo i 'tɔ bho, kö -wo i nuɛ" bho,  
kö -wo =bhlëë -ya i -bha -kpɛawo.  
-A -gen -mü -dhe 'wɔndɔdhe waa- 'gügbudhe waa- faan  
-wo bhi =në i -gɔ 'ö- zübhoyi 'yaa 'dhö  
'ö- "dhiütodhe 'yaa 'dhö. Kö -yö kè "dhü bha 'aa -yö kè!»

<sup>13</sup>=Dhe 'ö =ya kè "dhü, 'yö me zizi -nu bha- me do -yö n dheɛ" kpö 'ö- pö:  
«Me 'ö sɔ "puu 'dhö- -nu -bha bha de- -nu -mü "ɛɛn -wo -go 'mɛ?»

<sup>14</sup>'Yö 'a- -yɔ bɔ- -gɔ 'a- pö: «Bhi =në 'i- -nu dɔ, 'i- -nu 'godhe -nu =gban dɔ -wa n Dëme.»

=Dhe 'ö =ya kè "dhü 'yö- pö n -dhe: «Me 'ö 'wɔn "gbu- =gban suu 'do 'do -yö -wɔ -nu -ta Atanna -wɔn 'gü bha =në 'wo bha. -A -nu -bha -tɔyang bha- 'zu =në 'wo- wo "bhlaanë -yɔɔn 'ka 'yö "puu 'ka bha. <sup>15</sup>'Wɔn 'ö- -wɔn 'gü 'yö 'wo dɔ sië Atanna wëédhö yi =gban 'ka -a -bha -blüdédhe -gbloo wëédhö, 'yö 'wo- -dhɔkë sië- -dhɔkëgüko 'gü bha 'yö bha. 'Me 'ö -ya -sü 'ka ö -bha -blüdédhe -gbloo -ta bha =në dho- -nu -maa kè. <sup>16</sup>Din- 'yii 'dho zun- -nu -bha 'zü, "ɛɛn 'yi mü -dho 'yii 'dho- -nu kè 'zü, "ɛɛn 'yënnng-, "ɛɛn -yua me -bha -pë 'bha -zian 'yii 'dho "yua- -nu -bha 'zü tongtongdhö. <sup>17</sup>-A -gen -mü -dhe "bhlaanë 'ö dɔ sië 'me 'ö -gbloo 'kpiisü -ta bha- wëédhe =dede 'gü bha =në dho- -nu -maa kè =dhe -tuü -maakëme 'dhö, 'yö dho- -nu 'ka 'yigɔ -nu 'ö 'waa "bhüü, "kɛɛ 'ö =sii 'ö 'yaa yën -a -kè me -dhe bha- -dhe 'gü. 'Yö Atanna -dɔ 'pö 'ö- -nu "yanyi =gban bho- -nu "yan "dhiü "pɛɛpedhö.

'Sëédhe "dhiü -ta 'ka -pë "saople bha- "saople -naa "pu -ko

**8** <sup>1</sup>Dhe 'ö- dhe bha -ya kë "dhü, 'yö "bhlaanë bha 'ö 'klëë- kpo 'sëédhe -bha -pë bha- "saople -naa bha- -pu. =Dhe 'ö -yaa- "pu, 'yö -dhea -yö ga dhang- 'gü dingdhö "tüng 'ö -mɔɔ "tüng do -pɛ 'gü -sü -bha bha- 'ka. <sup>2</sup>Dhe 'ö -ya kë "dhü, 'a dho -dhe -ga, kö -wa "truu "saople 'gü -gblü Atanna -bha "kië "saople 'wo do sië- wëédhò bha- -nu -ta.

<sup>3</sup>Kö- -bha "kië -nu bha- "wæ do 'bha -ya nu -ya do -dhəkëtagwë "klu bha- "sɔɔ, kö pë "fië 'wo -dhasiklɔɔ -gü 'gü bha- do 'ö "sënnng 'ka -ya -kwæɛ-. 'Yö 'wo -dhasiklɔɔ 'dhe 'wo- -gü bha- 'gbɛ =dede nu- -dhe kö -ya "gü -gwë "klu 'ö "sënnng 'ka bha- -ta, kö -yö 'mɛ 'wo bɔ Yesu 'ka bha- -nu -bha -bhea Atanna -dhe -wu -nu bha- -nu "dhiü =loo 'mɛ 'ö -ya -sü 'ka -gbloo 'kpiisü -ta bha- -bha. <sup>4</sup>'Yö -ya 'pë bha- "gü -sü -bha, 'yö- "gbiën -së 'ö go- =kwæɛ bha 'ö -ya Atanna -gɔ waa- Yesu -bha mɛ -nu -bha -bhea Atanna -dhe -wu -nu 'ö- "dhiü =loo sië- -bha bha- 'dhö. <sup>5</sup>'Yö Atanna -bha "kië bha 'ö -dhasiklɔɔ -gü 'gü -pë bha- pa peng 'ö go "saa- -bho -ta -gwë "klu bha- -ta bha- 'ka, 'yö- =wënnng "kpung =taa. 'Yö dha -yö -ya "wɪ -sü -bha, 'yö wɔɔdhö 'dhö -ya "wɪ -sü -bha "kpungtaadhe =gban 'gü, kö dha -yö "yan 'kun sië, kö "sɛ -yö =zii sië.

<sup>6</sup>'Yö Atanna -bha "kië "saople 'ö "truu -yö gun- -nu -gɔ bha 'wo -ya wo baa- 'sü bha kö 'wo "truu bha- -piö.

<sup>7</sup>'Yö- mɛ -blɛsü -yö 'ö -bha -piö. 'Yö mëngga waa- peng waa- =yɔɔn -nu -kaan "kwëë -sü bha 'wo -ya =wënnng -sü -bha "kpung =taa. 'Yö "kpungtaadhe -yö 'pɛ 'gü -yaaga, 'yö- "pean do -yö -gü, 'yö "dhü -nu -dɪ 'pö- -nu -bha -yö -kë "dhü, 'yö blëë "dhe =gban -yö -gü.

<sup>8</sup>'Yö Atanna -bha "kië -nu bha- mɛ =plɛ -naa -yö 'ö -bha -piö. 'Yö 'wo -tɔn suu bha 'ö -dhe -wa peng -da pë 'ka bha- -zuö =weeyi -bhaa. 'Yö =weeyi -yö -pɛ 'gü -yaaga, 'yö- "pean do -yö -gla =yɔɔn 'gü, <sup>9</sup>'yö pë "pepe 'ö Atanna -ya -da, 'ö "yaandhe 'ka =weeyi -bhaa, 'yö -pɛ 'gü -yaaga, 'yö- "pean do -yö ga, 'yö "yitagɔ "pepe 'ö gun =weeyi -ta 'wo -pɛ 'gü -yaaga, 'yö- "pean do -yö =see.

<sup>10</sup>'Yö Atanna -bha "kië -nu bha- mɛ -yaaga -naa -yö 'ö -bha -piö, 'yö "susëngga 'kpii- do 'bha 'ö gun 'pu sië -dhe "sɔng 'dhö bha 'ö go dhang- -bha 'ö -pö. 'Yö -pö -gwaan "pepe 'wo "kpung =taa -a -nu -pɛ 'gü -yaaga -sü -yaaga -naa -ta waa- 'yi 'në sɛɛnnë -nu 'dhö. <sup>11</sup>-A "susëngga bha- 'tɔ 'ö gun 'yö 'wo- -dhe «pë "gügüsü». 'Yö "yi "pepe 'ö "susëngga bha 'ö -pö -bhaa "dhö bha 'wo -kë "gügüsü, 'yö mɛ 'gbɛ =dede 'wo "yi -nu bha- mü bha 'wo ga.

<sup>12</sup>'Yö Atanna -bha "kië -nu bha- mɛ -yiisio -naa -yö 'ö -bha "truu bha- -piö. 'Yö 'yënnng- oo, 'su oo, -a sëng' -nu oo, -a -nu 'bhü -sü bha 'ö -pɛ 'gü -yaaga, 'yö- "pean do -yö bo 'bhü -sü 'ka. 'Yö 'yënnng- 'gü -yö -pɛ 'gü 'pö -yaaga, 'yö- "pean do -yö -gla gbeng 'gü, 'yö gbeng 'gü -yö -pɛ 'gü -yaaga, 'yö- "pean do -yö -gla 'yënnng- 'gü 'gü.

13A -to -a -dhe -ga -dhe 'gü 'yö n "tu -yö -da "gblëe- do -wlö -vin 'gü kö -yö ziö sië, kö -ya dhang- 'kun "këe kö -ya pö sië "gbu- 'ka 'ö- pö: «-Wëëwɔn -wa! -Wëëwɔn -wa! Atanna -bha "kië -yaaga 'dhe 'wo to ya =wa wo -bha "truu ya- -piö -yö -dho kë -wëësü "kpongtaame -nu -gɔ =tɔn -këe!»

**9** 1=Dhe 'ö -ya kë "dhü, 'yö Atanna -bha "kië -nu bha- me "sɔɔdhu -naa -yö ö -bha -piö. 'Yö 'a "susëngga do yö kö -ya 'go dhang- 'gü -ya -pö "kpong =taa. 'A 'dho -dhe -ga kö -klɔng züziösü bha =waa- -dhakli nu "susëngga bha- -dhe. 2'Yö "susëngga bha 'ö -klɔng bha- "dhi -pu, 'yö peng "gbiën -yö -ya 'go -sü -bha -a 'gü 'bu 'bu 'budhö -dhe "gea 'kɔ peng "gbiën 'dhö, 'yö 'yënnng- -gɔ waa- 'tëng- -ta -dhe =gban -wo =tröö tii 'ka mlumengdhö. 3'Yö -kpaa -nu 'wo -ya 'go -sü -bha peng "gbiën bha- 'gü 'yö 'wo -pɛn "kpong =taa. 'Yö 'wo mɛ -wëë -kë wo -faan 'ö gean"- -nu -gɔ kö =wa mɛ 'kun bha- nu- -nu -dhe. 4'Yö 'wo -dhio dɔ -kpaa -nu bha- -nu -ta 'wo- pö 'wa 'dho 'wɔn bho blëë "dhe -nu waa- "dhü -nu 'een tapë -nu -zë 'bha 'gü, "këe -wo mɛ "pɛpɛ 'ö Atanna -bha 'klëë- 'yaa 'kpɔ -sü 'ka- -nu -bha -a -nu -kpong "dhiü bha =në- -nu -wëë -kë "dhiü bho. 5'Yö 'wo- pö -kpaa -nu bha- -nu -dhe =dhe 'wa 'dho 'mɛ 'wo "dhü bha- 'bha zë tongtongdhö, "këe -wa -nu -wëë -kë =në- bho "su "sɔɔdhu 'ka. -Kpaa -nu bha- -nu -bha mɛ -wëë -kë "dhiü bho -sü -yö -kë =dhe gean" -bha mɛ 'kun -sü 'ö -kë -kɔ 'ö -bha bha- 'dhö. 6"Su "sɔɔdhu 'ö -kpaa -nu bha 'wo dho mɛ "bhü- -nu -wëë -kë wo- -ka bha mɛ "bhü- -nu -dho -a "slë mɔɔ- kö 'wo ga, 'ö 'wo -ya ga -dho 'ka, "këe 'wii 'dho ga, ga- -dho =dua- -nu -gɔ 'ö dho- -nu 'ka =gblëen.

7-Kpaa -nu 'wo "dhü bha -wo =dhe =soo 'ö =waa- -ta 'kun kö -yö 'dho -gblü -bha =në- 'dhö. Pë 'bha -ya -nu -gɔ -bha -dhe "sënnng 'faan- 'dhö, 'yö- -nu wëëdhe -yö bho mɛ "bhü- -bha -bha. 8-A -nu -gɔ "dhe 'ö- -nu -gɔ -bha -yö =dhe dhong -nu -bha 'dhö 'yö- -nu "sɔn -yö bho laabhölaa -bha -bha. 9'Yö- -nu -kuutadhe -yö -kë =dhe -piö "bhëe 'wo -da mɛ -bha bha- 'dhö. 'Yö- -nu -wlö -vin -yö -kë =dhe gɔ suu 'bha -nu 'ö =soo -nu -wa -gan bha- kpö 'gbɛ 'ö 'dho sië -gblü bha -a 'dhö. 10-Kpaa -nu bha- -nu weng -yö -gun -dhe -kɔ do 'ö gean" -nu -bha 'dhö- 'ka bha- 'dhö, 'yö- -nu "plüün -yö gun. -A -nu weng bha =në 'wo gun mɛ -wëë -kë "dhiü bho sië- 'ka "su "sɔɔdhu bha- 'ka. 11 Sɔtraan -bha "kië 'ö -klɔng züziösü bha- -gɔ "dhiü bha =në gun -kpaa -nu bha- -nu -gɔmɛ 'ka 'ö gun- -nu -dhe "dhiü. "Yina 'ö "dhü bha -wa -dhe Eblö -wu 'gü «Abadɔn». 'Yö 'wo- -dhe glékö -wu 'gü «Apodhiɔn» -a 'tɔ bha waa- pö "dhü kö -wa pö «megüseem».

12Nëng bha- -gɔ -blëesü =në -ya ziö bha, "këe -a =plɛ =në- nu -wɔn -ya 'to- 'dhe bha- zian 'gü.

13'Yö Atanna -bha "kië -nu bha- mɛ "sɔɔdo -naa -yö "truu -piö. Maa n "tu 'to kö "saabhotagwë "klv 'ö Atanna -kuu "dhiü bha -wu do 'bha -yö 'go sië- "gwënnng -ta -dhe -yiisiö =gban 'gü. 14'Yö -wu bha 'ö- pö Atanna -bha "kië "sɔɔdo -naa 'ö "truu bha 'ö gun- -gɔ bha- -dhe 'ö- pö: «-Bhö "yina -yiisiö 'wo -kplü -sü 'ka lɔɔ" 'ka =gwaanga 'wo- Öflatö -kë bha- "kpong "dhiü bha-

-nu 'pu!»<sup>15</sup> 'Yö 'wo 'yina -nu bha- -nu -pu. 'Sa -a -nu -kplü 'wo- wo mü bha -wa -nu -kplü "dhü kö "tüng -dede bha =në -ya -loo -dhekpaɔyi bha- 'ka, "su bha- 'gü, -kwe bha- -ta, kö -wa 'pu, kē "dhü kö -wo "kpuŋgtaame -nu "pē- 'gü -yaaga, kö -wa "pēando -gban zē. <sup>16</sup> =Dhe 'ö- 'dhe bha =ya kē "dhü, 'yö n "yan 'gü 'dhö -da 'zü -deewo, 'yö "sɔdha -nu 'ö woo 'dho -gblü bha- -bha 'ö 'wo =soo -ta bha 'yö 'a- -nu yö. 'Yö 'wo- -nu "dhi pö n -dhe. -wo -gun me "gblü mē kēng =ple. <sup>17</sup> -Kɔ 'a- -nu yö- 'ka -kaa -ga 'ö ya: "Sɔdha -nu 'wo gun =soo -nu bha- -nu -ta bha- -nu -bha -piö "bhē -nu 'wo gun- -nu -bha bha- 'bhü- -gun dɔ siē -dhe peng 'nē- 'dhö, 'yö- 'bha -nu "yan -yö -kē -dhe sɔ 'ö =waa- -da =gla 'gü -a "yan 'dhö, 'yö- 'bha -nu "yan -yö gun =dhe 'song- 'yi 'dhö. 'Yö- -nu -bha =soo -nu bha- -nu -gɔ -yö gun -dhe laabhölaa -gɔ 'dhö. 'Yö peng -nu oo, peng "gbiēn -nu waa- blɔɔn" -nu 'wo gun 'go siē- -nu "dhi. <sup>18</sup> 'Yö pē -gao -yaaga 'ö -kē peng bha waa- "gbiēn waa- blɔɔn" 'ö gun 'go siē- -nu "dhi bha 'wo "kpuŋgtaadhe -pē 'gü -yaaga -sü "pēando -gban 'gü see-. <sup>19</sup> =Soo -nu bha- -nu -bha mē zē -faan 'ö gun- -nu 'gü bha -yö -gun -a -nu "dhi bha waa- -nu weng =nē- 'gü. -A -nu weng -nu bha -wo -dhe =mlē 'dhö, -a -nu -gɔ -yö -dhö 'pö 'wo mē -nu -wē -kē "dhiü bho- 'ka.

<sup>20</sup> "Kē 'wɔn -nu bha- -nu -kē "dhü -sü =gban waa- -bha -bha, "kpuŋgtaame -nu -kpea 'wo to 'ö 'wii ga 'wɔn bha- "dhiü bha 'wii wo bo wo kēwɔn yaa -nu 'ka tongtongdhö. -Wo -to woo- 'yina -nu oo, woo- -dhɔkēpē -nu 'wo- -pē -kē "sēnng 'ka bha oo, -a 'dhe -nu 'wo- -pē -kē 'wē -nu oo, zēn -nu oo, -gwē -nu waa- "dhü -nu 'ka bha- -dhɔkē -sü -bha, "kē 'sa kö pē -nu bha 'waa -dhe yö, -a -nu 'tu 'yaa 'wɔn ma, kö yö -nu 'to- -nu 'ta 'sü -sü -nē- -bha. <sup>21</sup> 'Wii wo bo- -nu -bha mē zē -sü -nu oo, "zɔvdhe kē -sü -nu, -zua zē -sü -nu waa- -kwaan- bho -sü -nu 'ka.

### 'Sēedhe -be 'nē 'bha 'ö Zan -ya -bhö -a -dhiang 'ö- zē

**10** <sup>1</sup> =Dhe 'ö =ya kē "dhü, 'yö Atanna -bha "kiē 'gü "gbu- do -yö go dhang- 'gü 'ö -lɔɔ, kö "dhuu -yö -klēn -sü 'ka- -zü, kö -kpuŋg -yö -klēn -sü 'ka- -gɔ -zü 'pö, kö- wɔ 'gü -yö 'bhü siē -dhe 'yēnng- 'dhö, kö- gen 'ö- -wlö -a -gban- kē siē -dhe peng gɔn 'nē- 'ö kēng -siē 'dhö. <sup>2</sup> Kö 'sēedhe -be 'nē 'dēdē 'nē do 'bha -yö "pu -sü 'ka kö -ya =kwē. 'Yö Atanna -bha "kiē bha 'ö 'ö -kɔ -sē 'gü -gen -ya =weeyi -ta, 'yö 'ö =kwaa 'gü -gen -gban "kpuŋg =taa. <sup>3</sup> 'Yö =gbla "gbu- 'ka -dhe laabhölaa 'ö -wɔ -a 'dhö. =Dhe 'ö bo "wɔ -sü 'ka "gbu- 'ka -dhe -kɔ bha- 'dhö, 'yö dha -ya "dhiü kun- -gɔ, 'yö -wɔ -ta -gen -yan 'ka "saɔplē. <sup>4</sup> =Dhe 'ö dha -yö bo "wɔ -sü 'ka, 'yö 'a- pö 'a 'wɔn 'ö -kē bha- -ben zē, "kē 'yö -wu do 'bha -yö bɔ dhang- 'gü 'ö- pö n -dhe: «"Wɔ 'ö dha -ya wo -gen -yan 'ka "saɔplē bha -wu 'ö- pö bha- 'to i -dɔ -gɔ, 'bha 'dho- -ben zē.»

<sup>5</sup> =Dhe 'ö =ya kē "dhü, 'yö Atanna -bha "kiē 'dhe 'a- yö, 'ö- -gen do- gun =weeyi -ta 'ö- do- gun "kpuŋg =taa bha 'ö 'ö -kɔ -sē "dhiü =wɔ dhang- 'gü, <sup>6</sup> 'Yö -sö -bhö Atanna 'ö 'dhö -todhü 'ka 'ö- bho -yi 'yaa 'dhö 'ö- ga -yi 'yaa

'dhö, 'ö yö -në dhang- waa- 'gü -pë -nu, "se waa- -tapë -nu, =weeyi waa- -bhaapë -nu -da bha- wëëdhö 'ö- pö: «Atanna -bha yi -kpɔ "kɔpungtaadhe -gɔ -sü -ya bo, 7-a -gen -mü =dhe -a -bha "kië "saɔplɛ -naa 'kò bha -ya zun 'ö -bha "truu bha- -piö -sü -zë -bha bhoo, Atanna yöö zun -në- wo 'wɔn 'ö -bhɔ -zɔ "piü yi 'bha -yi 'bha 'ka 'ö- to "dhiü 'ö- -dhiang zë 'ö -wudhiüloome -nu -dhe bha- kë -sü -bha.»

8=Dhe 'ö =ya kë "dhü, 'yö -wu do 'ö go dhang- 'gü 'a- ma -blæsi bha 'ö- pö 'zü n -dhe 'ö- pö: «-Bhö 'dho kö 'sëedhe -be 'në 'ö "pu -sü 'ka 'ö Atanna -bha "kië 'ö dɔ =weeyi waa- "se -a -nu -ta bha- -kwæ- bha 'i- 'sü.»

9'Yö 'a dho Atanna -bha "kië bha- "piü, 'yö 'a- pö- -dhe -yö n gba 'sëedhe bha- 'ka. 'Yö- pö n -dhe: «-Bhö -a 'sü kö 'i- -bhö. -Yö -dho kë "gügüsü i "gblüüdhe -zë 'gü, "kæ -yö -dho kë i "dhi =dhe "zɔɔn 'dhö.»

10'Yö 'a n -kɔ -da 'sëedhe -be 'në 'ö gun- =kwæ- bha- 'gü 'yö 'a- -bhö. 'Yö -kë n "dhi 'pö =dhe "zɔɔn 'dhö tean- 'ka, "kæ =dhe 'a bo- "mëng -sü 'ka, 'yö -kë "gügü -sü 'ka n -bong -zë 'gü.

11=Dhe 'ö =ya kë "dhü, 'yö 'wo- pö n -dhe: «-A -dhea -bha -dhe 'i -wu 'ö Atanna -ya dɔ i "dhi kö 'i- "dhiü =loo "sɛgɔ 'gbɛ, mɛ suu 'gbɛ, -wu suu 'gbɛ waa- -gblüüdë 'gbɛ -bha bha 'i- pö -kɔ -dee do 'bha kë.»

**Atanna -wudhiüloome -nu =plɛ 'ö dho- -nu bɔ -a -dhiang 'ö Zan -ya zë**

**11** 1=Dhe 'ö go- 'gü, 'yö 'wo n gba -kaa "dhü "kplü do 'bha 'ö -dhe -dan 'ka -pë 'ka, 'ö bhɔ "dhü -bha bha- 'ka 'yö 'wo- pö n -dhe: «-Bhö "wli kö 'i Atanna -dhɔkëgükɔ waa- -bha "saa- -bho -ta -gwë "klu bha- dan, kö 'mɛ 'wo- -dhɔkëme -nu 'ka 'kɔ bha- 'gü bha 'i- -nu dhung. 2"Kæ -a -bha 'kɔ -züdhe 'dhe 'ö "wasi 'dhö "kan -sü 'ka- -zü 'ö "kpenngdhö bha 'i yö -zë 'to "dhü, 'bha 'dho- dan, -a -gen -mü =dhe =wa yö -zë nu 'mɛ 'waa 'dhang bho Atanna "dhiü 'wo go "se "wæ 'gü, 'ö 'wo dho -gblü -da Zedhizadhemö -pö ya- -ta bha- -nu -dhe kö -wa 'kun -gblü 'ka, kö -wo -ya -gɔ "dhiü -kwe -yaaga waa- "su "saɔdo 'ka. 3'Yö 'a n -wudhiüloome -nu =plɛ bɔ kö =wa bhɔɔ sɔ -da wo -bha, kö -wa -zɔn "kɔpungtaame -nu -dhe =dhe -a -dhea -bha -dhe -wo -wëewu 'kpɔ wo -dɔ -bha -a -nu këwɔn yaa -nu -wɔn 'gü kö -wo wo wɔ slëë- Atanna "piü, 'yö 'wo Atanna -wu "dhiü =loo- 'ka 'mɛ 'wo bha- -nu -bha -dhekpaɔyi "gblü do 'ö -ta =plɛ waa- -dhekpaɔyi -kaɔng "saɔdo 'wo dho -ya 'ka 'pö- bha- -gɔ "dhiü bha- 'ka.»

4"Dhü 'wo- odhivö -dhü -kë bha- =plɛ waa- -dhangbha =plɛ 'wo dɔ -sü 'ka Atanna 'ö "kɔpungtaadhe dëme 'ka bha- -kuu "dhiü bha =në 'wo- "sɛɛ -nu 'wo dho nu "dhü bha- -nu 'ka. 5'Mɛ 'wo "dhü bha mɛ 'bha =yaa- pö 'ö 'wɔn yaa kë- -nu 'ka, 'yö peng -yö go- -nu "dhi 'yö- -nu 'yaa- -nu bha- -nu -bhö. -Kɔ 'ö 'mɛ 'wo dho- pö 'wo 'wɔn yaa kë- -nu 'ka, 'wo dho- -mɛ -nu zë- 'ka 'yö bha. 6=Ya 'go yö -zë 'gü, mɛ =plɛ bha -kɔ -kpa dhang- -bha "sɔ -ya -nu -dhe kö "töng 'wo Atanna -wu pö sië- 'ka bha dha 'ya 'dho ban- 'ka, 'ö "yi -gla =yɔɔn 'gü 'sɔ 'dhö- -nu -dhe 'pö, 'ö -ya mü 'zü 'ö 'wɔn suu "bu suu 'ö-

-wɔ "kɔpɔŋtaadhe -ta -dho -yaa- -nu kɛ, 'o- kɛ "sɪ -yɔ -kɛ -nu -dhe kɔ -wa kɛ "dhü "töng 'ö -dhi -nu -dhe -a 'ka.

<sup>7</sup>Kɛɛ yi 'ö mɛ =plɛ bha 'wo dho wo bo- 'ka -wu 'ö Atanna -ya kɔɔ- -nu -bha bha- pö -sü 'ka -a 'ka bha, wü "dhabhli -sü 'bha 'ö go -klɔŋ züziösü bha- 'gü bha -yö -dho -gblü -da -a -nu -ta 'ö- -kɔ -yö -ziö -nu -gɔ 'ö- -nu zɛ, <sup>8</sup>'ö- -nu =gee -yö to -kɔpɔŋ -ta 'pö- 'kpii- 'wo- -nu Dɛmɛ dɔ "dhü -bha -a 'gü bha- 'gü. -A 'pödhɛ bha -nɛ 'wo- 'tɔ -da =gla 'gü 'wo- -dhe Sodɔmö "ɛɛn Ezitö bha. <sup>9</sup>Mɛ suu 'gbe, 'wo go "sɛgɔ 'gbe =dede 'gü, 'ö 'wo -wu 'gbe =dede pö, 'ö 'wo go "sɛ suu 'gbe =dede 'gü -wo -dho -a -nu =gee bha- -ga -dhekpao yi -yaaga waa- 'gbu 'ka kɔ 'waa "wɪ- -bha kɔ -wa -nu =gee bho. <sup>10</sup>Mɛ =plɛ bha- -nu ga -wɔn -dho dhi "kɔpɔŋtaamɛ -nu -dhe, 'ö- -nu =nii -da =dedewo 'ö 'wo pɛ -nu =gbaɔ -zianwo wo 'ko -nu -gɔ -a -wɔn 'gü, -a -gɛn -mü -dhe kɔ mɛ =plɛ bha =wa =gbaɔn =dedewo "kɔpɔŋtaadhe -ta. <sup>11</sup>Kɛɛ -dhekpao yi -yaaga waa- 'gbu bha =ya bho- "dhiü, "tɛɛ -sü -dee 'bha- -dho 'go Atanna "piü 'ö -da 'zü- -nu 'gü 'wo -bö, 'yö mɛ "ɔɔ mɛ 'ö =ya ö "yan -kpan -nu -bha, 'yö "suö -ziisü -yö -da 'gü. <sup>12</sup>'Yö -wu do 'bha 'yö bɔ dhang- 'gü 'ö -wɪ Atanna -wudhiüloome -nu =plɛ bha- -nu -dhe 'ö- pö: «-Ka nu yö!» 'Yö 'wo =wli kɔ dha 'kɔpɔŋ- =ya kpa- -nu bha 'yö 'wo dho dhang- 'gü, kɔ- -nu 'yaɔ- -nu bha -wa -nu ga siɛ. <sup>13</sup>'Yö "sɛ -yö zun =zii -sü -bha "töng do bha- 'gü, 'yö 'pö- 'kpii- bha 'ö -pɛ 'gü -kaɔŋ do, 'yö- "pɛan do -yö =wenng, 'yö mɛ -dhü "gblü "saɔplɛ -wo ga "sɛ =zii -kɔ do bha- 'gü, 'yö mɛ -kpɛa 'wo to bha "suö 'dhö -da -nu 'gü, 'yö 'wo -ya Atanna 'ö dhang- 'gü bha- 'tɔ bho -sü -bha.

<sup>14</sup>Kö nɛng bha- =plɛ -naa =nɛ =ya ziö bha, "kɛɛ -ka ka -dɪ 'kun, -a -yaaga -naa -yö nu siɛ.»

### "Truu "saɔplɛ -naa "wɪ -kɔ -dhiang 'ö Zan -ya zɛ

<sup>15</sup>'Yö Atanna -bha "kiɛ -nu bha- "saɔplɛ -naa -yö ö -bha "truu -piö. 'A dho n "tu 'to kɔ -wu 'gbe -yö "wɪ siɛ dhang- 'gü -yuudhö 'ö- pö: «-Gblüdedhe -kɛ "kɔpɔŋ =taa "sɪ =ya 'to 'mɛ 'ö- -dhe, dɔ -kɔ ya- 'gü yö -mü kwa Dɛmɛ Atanna waa- -bha -Yamɛ bha -nɛ- -nu 'ka, yö -zɛ -a -bha mɛ -dhe bha- "dhiütodhe 'yii 'dho kɛ tongtongdhö, -yö -dho -a kɛ -todhö 'ka!» <sup>16</sup>=Dhe 'ö =waa- pö "dhü, 'yö mɛ zizi -nu -kaɔŋ =plɛ ga -yiisio 'wo -ya -sü 'ka wo -bha -blüdedhe -gbloo -ta Atanna wɛédhö bha 'wo zun wo kpiö 'gü, 'yö 'wo zun Atanna -dhökɛ -sü bha 'wo- pö: <sup>17</sup>«Yi Dɛmɛ, yi -bha Atanna 'gügbusü, bhi i gun yi 'bha 'ka, 'i -tun =dɛɛ bha, 'ya i nuɛ" bho -kɔ 'i- -da i -bha 'gügbudhe 'gü 'ö 'bha zun -gblüdedhe kɛ -sü -bha bha- -wɔn 'gü, <sup>18</sup>"sɛ =gban "pɛpɛ 'gü -mɛ -nu zuɛ" -gun "wli -sü 'ka, "kɛɛ i -bha bhlɔɔ bho i 'gü "töng =ya =loo =tɔn, i -bha za -dɔ 'mɛ =wa ga -a -nu -bha "töng =ya =loo, kɔ 'mɛ 'wo i -wudhiüloome -nu 'ka 'i- -nu =saa bho waa- mɛ "gblügbli -nu "ɛɛn 'nɛsɛnnɛ -nu 'wo -suö i -gɔ, 'wo i =bhlɛɛ -ya bha- -nu 'dhö. I -bha 'wɔn -bho "sɛ seemɛ -nu 'gü "töng =ya =loo!»

<sup>19</sup>-Dhe 'ö =ya kē "dhü, 'yö Atanna -dhəkägükö 'ö dhang- 'gü bha- "dhi -yö -pu, 'yö mē =gban 'wo wo "yan -kpan 'tɔng- 'ö -mlɛɛ -dee -da waa- mē "bhu- -nu -a -nu =zinng 'gü bha- =gbëë bha- -bha. 'Yö dha -yö -ya "yan 'kun -sü -bha kö -yö "wɪ sië, 'yö pē 'bha -nu 'wo -ya "wɪ -sü -bha, 'yö "se 'dhö -ya -zii -sü -bha, 'yö mēngga 'dhö -ya =wēng -sü -bha.

Dhebhɔnë do 'bha waa- "yinagɔn -ziisü 'ö Zan -ya yö -a -nu -dhiang 'ö- zë

**12** <sup>1</sup>-Dhe 'ö =ya kē "dhü, 'yö "dhabhli 'dhö -da dhang- 'gü, 'yö 'a dhebhɔnë do yö kö =ya 'yēngg- kē sɔ 'ka =yaa- -da ö -bha, kö -yö dɔ -sü 'ka "su -ta, kö 'faan- 'ö- -gɔ -bha bha "susēngga -kaɔng do ga =plē -nē -ya -sü 'ka- -bha. <sup>2</sup>"Kɛɛ kö- 'gu -ya bhɔ -klɛkledhö, kö- 'nē 'kpɔ "tūng =ya =loo, kö -yö "gbła -zianwo sië- "gblüüdhe 'ö- piü sië bha- -wɔn 'gü.

<sup>3</sup>'Yö "dhabhli bha- -dee 'bha -yö -da 'zü dhang- 'gü -a 'dhe bha- zian 'gü. 'Yö 'a "yina -ziisü do yö, "yinagɔn bha -yö -gun -zaɔndhö, 'yö- -gɔ gun "saɔplē, 'yö- -söga gun -kaɔng do, 'yö -gbloo 'faan- -yö gun- -gɔ "saɔplē bha- =gban -bha. 'Yö- wēng -yö gun. <sup>4</sup>'Yö ö wēng bha- sü, 'yö "susēng 'ö dhang- -bha bha- -pē 'gü -yaaga -sü "pɛan do bho 'mü 'yö- =wēng "kpung -taa, 'yö dho 'ö dɔ dhebhɔ 'ö- "gblüüdhe 'dhö- kē sië bha- wēëdhö, kē "dhü kö =ya 'nē 'kpɔ kö 'ö 'to 'sia- mü 'ö- -bhö. <sup>5</sup>'Yö dhebhɔ bha 'ö 'nēglɔn do kpɔ, -a gbö bha =nē dho -ya "se =gban "pɛpɛ -gɔ "dhiü, 'ö- -bha mēdhe -yö -ziö -gblüüdē "pɛpɛ 'wo "kpung =taa -a =gban "pɛpɛ -bha -ta, "kɛɛ 'yö "yina gɔn bha- -kɔ 'yii =mɔɔ- -bha. 'Yö 'nē bha 'wo- sü 'wo dho- 'ka Atanna "piü dhang- 'gü, -a -bha -blüüdēdhe -gbloo "sɔɔ. <sup>6</sup>'Yö dhebhɔ bha 'ö =dua 'yö dho "tung -ta, -dhe 'ö Atanna -ya -yēa -baa- -bha bha- 'gü, kö -wa "dhiü gba mü -dhekpaɔyi "gblü do -ta =plē waa- -dhekpaɔyi -kaɔng "saɔdo 'ka.

<sup>7</sup>-Dhe 'ö =ya kē "dhü, 'yö -gblü -yö -da dhang- 'gü. 'Yö Atanna -bha "kië 'kpiisü 'wo- Misedhö kē bha waa- -bha -mē -nu 'wo -ya 'ko zë -sü -bha "yina bha- 'ka 'yö wēng- -nu 'wo =gɔɔn waa- -bha "kië -nu 'dhö 'pö. <sup>8</sup>"Kɛɛ 'yö Misedhö waa- -bha -mē -nu -a -nu -kɔ -yö -ziö "yina bha waa- -bha -mē -nu -a -nu -gɔ, 'yö 'wo- -nu -kē dhang- 'gü 'wo- -nu bɔ "kpung =taa. <sup>9</sup>'Yö -zuzugwɛ 'wo yö =nē- -dhe =mlɛɛ 'ö gun yi 'bha 'ka, 'wo- -dhe 'zü "yina yaa, "ɛɛn Sɔtraan, 'ö "kpēngg- -kē "kpungtaadhe -todhüsü -gɔ bha 'wo waa- -bha -mē -nu -a -nu -zuö "kpung =taa.

<sup>10</sup>'Yö 'a -wu "gbu- do 'bha ma dhang- 'gü kö -ya pö sië: «Atanna -bha mē dha -sü bha- -gɔ =ya -da 'plöö =tɔn =dɛɛ! -A -bha -gblüüdēdhe waa- -bha 'gügbudhe 'bha 'yaa -bin 'gü 'zü! -A -bha Klisi 'ö- -ya bha =ya 'ö -bha mēdhe -faan bha- -zɔn! -A -gen -mü =dhe 'mē 'ö gun dɔ sië Atanna wēëdhö 'ö -za dɔ kwa dheebhang -nu -bha 'yēngg- 'gü waa- gbēng -nu =gban 'gü bha =yaa- -zuö "kpung =taa =dɛɛ. <sup>11</sup>Kwa dheebhang -nu -kɔ =ya ziö -gɔ "bhlaanë =yɔɔn 'ö =wēng -nu -wɔn 'gü bha waa- Yesu -wɔn -dhiang 'wo gun- zë sië mē -nu -dhe bha- 'saa- 'gü. -A -gen -mü =dhe kwa dheebhang -nu bha -wo kē -we -bha 'wo woo- toseɔ nu, 'ö 'wo -we -bha 'wo ga Yesu -wɔn 'gü. <sup>12</sup>-A

-kë "dhü -sü bha- 'gü, dhang- waa- 'gü -mɛ -nu -gban "pɛpɛ -ka ka "dhia bho, "kɛɛ "kpungtaadhe waa- =weeyi -nu -nɛ ka -bha -ya kë -wɛɛsü. -A -gen -mü -dhe Sɔtraan -nɛ bhlɔɔ =yaa- pa 'ö nu sië- 'ka ka -ta bha, -a 'wɔn =ya kë- "yaan -dhe "tüng 'wo- -ya -gɔ 'yaa 'gbe 'zü.»

<sup>13</sup>-Dhe 'ö "yinagɔn -ziisü bha 'ö- 'wɔn dɔ =dhe =wa ö -zuö "kpung =taa, 'yö zun dhebho 'ö 'nɛgɔɔn bha- kpɔ bha- "piü kë -sü -bha. <sup>14</sup>"Kɛɛ 'yö dhebho bha 'wo- gba "gblɛɛ- 'kpii- do gban =ple 'ka kö -ya dɔ ö -bha, kö -yö -wlö 'ka -yö 'dho ö -yɛa 'wo- =baa "tüng -ta bha- 'gü kö -yö -ya mü kö -wa "dhiü gba -kwe -yaaga waa- 'gbu 'ka, kö =mlɛɛ bha 'ya 'dho ö -kɔ zun- -bha. <sup>15</sup>'Yö =mlɛɛ bha 'ö "yi bho ö "dhi 'yö- =wɛnng dhebho bha- =keng-, 'yö -kë =gwaan 'ka, kë "dhü kö- "tɛɛ -ya 'sü, <sup>16</sup>"kɛɛ 'yö "sɛ -yö dhebho bha- -ta kun, 'yö ö "dhi -pu, 'yö "yi 'ö "yina bha 'ö- =wɛnng bha- =gban mü "pɛpɛdhö. <sup>17</sup>'Yö dhebho bha- -wɔn bhlɔɔ -yö ma "yina bha- 'gü 'yö- pa kpɛnngkpɛnngdhö, 'yö =dhe 'ö -kë -dhe -a bhlɔɔ bha- bho -dhe "wɛɛ 'bhaa 'dhö dhebho 'kö bha- -gɔ bha, 'yö dho 'yö -ya 'ko zɛ -sü -bha dhebho bha- suu 'gü -nɛ "pɛpɛ dhe 'kö to, 'ö 'wo gun Atanna -bha 'tɔng- 'kun sië, 'ö 'wo to -kplü -sü 'ka teanwɔn 'ö -gban Yesu Klisi -wɔn -bha bha- -bha bha- -nu 'ka. <sup>18</sup>'Yö dho 'ö dɔ =weeyi "kpung "dhiü.

### Wü =ple 'ö Zan -ya yö -a -dhiang 'ö- zɛ

**13** <sup>1</sup>'Yö 'a wü do 'bha yö kö -yö 'go sië =weeyi =bhaa. Wü bha- -sö -gun -kaɔng do, 'yö- -gɔ -zɛ 'ö gun "saɔple. 'Yö -gblofaan -yö gun kpa -sü 'ka- -sö -kaɔng do bha- =gban -bha 'do 'do. 'Yö Atanna -bha 'fang bho -tɔ -nu 'wo gun -ben zɛ -sü 'ka- -gɔ -nu bha- -bha. <sup>2</sup>Wü 'a- yö bha -yö -gun -dhe gwee 'dhö, 'yö- -gen -nu 'wo gun -dhe "sluku -bha 'dhö, 'yö- "dhi -yö gun -dhe laabhölaa -bha 'dhö. 'Yö "yina bha 'ö ö -bha medhe oo, -a -bha -blüdédhe -gbloo waa- -bha 'gügbudhe =gban nu wü bha- -dhe. <sup>3</sup>"Kɛɛ kö wü bha- -gɔ -nu bha- do =ya kë -dhe pɛ 'ö =waa- -gi 'ö yöö 'to- bhië -gɔ -a 'dhö. "Kɛɛ 'yö- bhië -ziisü bha 'ö dho 'ö ga. 'Yö wü bha- "dhia -yö ma "sɛ -ta -mɛ =gban "pɛpɛ 'gü 'yö 'wo -ziö -keng-. <sup>4</sup>'Yö 'wo -ya "yina bha- -dhökë -sü -bha ö -bha medhe nu 'ö- wo wü bha- -dhe bha- -wɔn 'gü. 'Yö 'wo -ya 'pö wü bha- -dhökë -sü -bha kö -wa pö sië: «'Dee -dhe -zuzugwe ya- 'dhö? 'Dee dho =mɔɔ- -bha 'ö 'ko zɛ- 'ka?»

<sup>5</sup>'Yö 'wo Atanna -bha 'fang bho -wu -nu waa- -dɔ -sü 'kpii- -dhiang -nu zɛ -faan -da wü bha- 'gü. 'Yö- -kë "dhü "su -kaɔng -yiisiö ga =ple 'ka. <sup>6</sup>'Yö -ya "si -bho Atanna -gɔ -sü waa- -yɛa -bha 'fang bho -sü -bha waa- mɛ "pɛpɛ 'wo- "piü dhang- 'gü -a -nu 'dhö. <sup>7</sup>'Yö- -ga 'ka mü 'yö -ya 'ko zɛ -sü -bha -a -bha mɛ -nu 'ka, 'yö- -kɔ -yö =mɔɔ- -nu -bha, 'yö- -kɔ -yö -ziö "siya =gban "pɛpɛ suu -gɔ, 'yö -ya "sɛ =gban "pɛpɛ waa- -wu suu "pɛpɛ 'ö- -ta -a pö -mɛ -nu =gban -gɔ "dhiü. <sup>8</sup>Mɛ "pɛpɛ kö 'wo "kpung ya- =taa, 'ö- -nu 'tɔ -zɛ 'yaa -ben zɛ -sü 'ka "bhlaanɛ 'wo- zɛ bha- -bha -tosea -kë -bha 'sɛédhe 'ö 'mɛ 'wo dha -mɛ -nu 'ka -a -nu 'tɔ 'dhö- 'gü, "sɛ waa- dhang- -nu kë "tüng

'gü bha- 'gü, -a -nu =gban "pepe- -dho "gblëenu wü bha- =wlöö 'wo- -dhökë: 9'Me ka 'wɔn ma -tu 'dhö 'dhö, -kaa dɔ -së 'ka kö 'ka 'wɔn ma! 10-A pö 'a- wo "dhü bha- 'klɔɔ- -mü -dhe me "pepe 'kö 'wo bɔ Yesu 'ka 'wo Atanna -bha me 'ka, -a me 'dhe 'ö -dho -kaso 'gü 'dhö- -bha, -yö -dho 'dho -kaso 'gü, 'ö- me 'dhe 'ö -gɔkanme 'ka 'wo- -gɔ -kan. 'Wɔn 'ö- -wɔn 'gü, 'yö Atanna -wu -ya pö -dhe 'me 'wo- -bha me 'ka -a -dhea -bha =dhe -wo wo zuë" kë -sea kö -wo wo -zu yö- -dhe bha 'yö bha.

11-Dhe 'ö- 'dhe bha -ya kë "dhü, 'yö 'a go mü 'a wü bha- do 'bha yö kö -yö 'go sië "sɛdhö, kö- -söga -yö =ple =dhe "bhlaa -bha 'dhö, "kɛɛ -ya "wɪ -a -wu -kë -dhe 'yina -wu 'dhö. 12'Wɔn suu "ʊ suu 'ö wü -blɛsü bha 'ö gun- kë sië, -a 'dhe bha- -kɔ -gun =mɔɔ sië- -bha 'pö 'ö- -kë wü -blɛsü bha- -bha kë 'gü, 'ö ö faan -wɔ "kpungtaame -nu =gban "pepe -ta kö -wo wü -blɛsü 'ö bhië -ziisü -yö gun- -bha 'ö ga bha- -dhökë. 13Wü =ple -naa bha -yö gun "dhabhliwɔn "gblögblü =dede kë sië, 'ö peng go dhang- 'gü 'ö- -lɔɔ me =gban "yaan. 14-Yö -gun "kpungtaame =gban "pepe gɔɔ bho sië 'wɔn 'ö Atanna -ya kë -sü "sɪ -kë -dhe 'ö gun- kë sië wü -blɛsü bha- -bha kë 'gü bha -nɛ- 'ka, 'yö- pö "kpungtaame -nu -dhe =dhe -wo wü -blɛsü 'wo- -gɪ -siang 'ka "kɛɛ 'ö dha- -gɔ bha- "blɛn- do -pɛ -kë. 15'Yö Atanna -yö "tɛɛ -sü -da me 'gü -sü "sɪ -kë wü =ple -naa bha- -dhe 'yö "tɛɛ -sü -da wü -blɛsü bha- "blɛn- 'wo- -pɛ -kë bha- 'gü, kë "dhü kö -yö dhiang zë kö me "ʊ me 'ö 'yii "wɪ- -bha kö -ya -dhökë, kö -ya zë. 16'Yö wü do bha 'ö ö faan -wɔ 'zü 'nɛ 'sɛnnɛ -nu oo, me "gblögblü -nu oo, =naɔme -nu oo, "flɛmɛ -nu oo, =dhuəng -nu waa- 'wɔɔ- -nu =gban "pepe -ta 'yö 'wo 'klɛɛ- kpɔ wo -kɔ -së 'gü -kɔdhe =taa -dhe -nu waa- -nu -kpong "dhiü -dhe -nu 'gü. 17'Yö me 'bha -me 'bha 'yaa =mɔɔ- -bha kö -yö pɛ 'dhɔ, "ɛɛn kö -yö pɛ 'go, kö 'klɛɛ- 'ö wü bha- 'tɔ -yö gun- 'gü bha, "ɛɛn "nimlɔɔ 'ö -dhe- "blɛn- bha- 'dhö bha 'yaa- -me -bha.

18'Mɛ 'ö 'wɔndɔmɛ 'ka -a 'wɔn -bho 'koo dɔ "tɔng -nɛ dho kë bha. 'Mɛ 'ö 'wɔndɔmɛ 'ka 'ö- "gblüüdhe -yö 'daɔnnu, -a -me -dho wü bha- "nimlɔɔ bha- dɔ, -a -gen -mü -dhe -yö -dho kë me 'bha -nɛ- 'tɔ 'ka. -A "nimlɔɔ bha -nɛ këng "saɔdo -kɔ "saɔdo waa- pɛ "saɔdo 'ka.

**"Tan 'ö 'mɛ 'ö "bhlaanɛ -ya -nu -gɔtadhɔ bha  
'wo- bho -a -dhiang 'ö Zan -za zë**

**14** 1'A dho -dhe -ga kö "bhlaanɛ bha -yö dɔ sië -tɔn 'ö Zedhizadhɛmö bha- =gbin- waa- me "gblü këng do -kɔ -yiisiö waa- me "gblü -yiisiö 'ö waa- Dɛ -a -nu 'tɔ -yö gun -ya -sü 'ka- -nu -kpong "dhiü bha- -nu 'dhö. 2'Yö n "tʊ -yö -da -wu 'bha 'gü dhang- 'gü kö -yö "wɪ sië -wuudhö -dhe 'yi 'kpii- 'ö -zuö sië- 'dhö, "ɛɛn -dhe -kɔ 'ö dha -yö -wɪ 'ka bha- 'dhö. -Wu bha -yö -kë 'zü -dhe me kpö 'gbe -bha kɔnnɔg zë -vin bha- 'dhö. 3Kö me "gblü drun bha -wo dɔ sië 'me 'ö -gbloo 'kpiisü -ta bha waa- pɛ "yaandhe -yiisiö bha waa- me zizi -nu bha- -nu wëédhö kö -wo "tan -dee do bho sië. "Tan 'wo gun- bho sië "dhü bha me "wɛwɛɛ 'bha 'yaa =mɔɔ- -bha kö -ya bho kö

'yii kë me "gblü këng do -ko -yiisiö waa- me "gblü -yiisiö 'ö "bhlaanë bha 'ö- -nu -göta dhö yi 'bha 'ka kö -wo -tun "kpong =taa bha wo -zë -a -nu 'ka.

<sup>4</sup>'Me 'wo "dhü bha =në 'wo wo -di kun -së 'yö 'wo to "slüöslü 'ka, 'yö 'wii zun dhebho -bha tongtongdhö. -Dhe "su -dhe 'ö "bhlaanë bha 'ö gun 'dho sië- -bha weng- -nu =në 'wo gun 'dho sië wo "kwëë, -a -gen -mü -dhe wo =në "bhlaanë bha 'ö- -nu -göta dhö kö -wo kë waa- Dë -a -nu -bha 'në -bleësi -nu 'ka me "bhu- -nu kpö 'gü. <sup>5</sup>'Wii =sua kë do tongtongdhö, pö -tangga -zian 'yaa- -nu -bha.

#### Atanna -bha "kië -yaaga 'ö Zan -ya yö -a -dhiang 'ö- zë

<sup>6</sup>-Dhe 'ö =ya kë "dhü, 'yö 'a Atanna -bha "kië do 'bha yö kö -yö ziö sië 'tëng- -ta -dhe =gblëen =dede 'gü. Nao -së 'ö go Atanna 'piü 'ö 'yaa 'go "gblüv tongtongdhö bha =në 'ö nu- do -dhe 'gü, me "pepe 'wo "kpong =taa -a -nu -gö, kö -ya pö me suu -gao =gban 'do 'do, "segö =gban 'do 'do "ëen -wu suu =gban 'do 'do pö -me -nu -dhe <sup>7</sup>kö -ya pö sië "gbu- 'ka 'ö- pö: «-Ka "suü Atanna -gö kö 'ka- 'to bho! -A -gen -mü =dhe -a -bha za -do me "bhu- -bha "tüng =ya =loo. -Ka 'me 'ö "se -kë 'ö dhang- -kë, 'ö =weeyi -kë waa- 'yigö -nu 'dhö bha =në- -dhökë!»

<sup>8</sup>'Yö Atanna -bha "kië bha- =ple -naa -yö do- 'dhe bha- =keng- kö -ya pö sië 'pö 'ö- pö: «Babidhönö -pö 'kpii- 'ö gun 'ö -bha "yënnngö bha- 'kpo sië "kpongtaame -nu =gban "pepe -gö =dhe we 'dhö 'wo- mü bha =ya 'wü, =ya 'wü -trukpe -trukpedhö.»

<sup>9</sup>'Yö Atanna -bha "kië bha- =yaaga -naa -yö do- 'dhe bha- =keng- 'pö kö -ya pö sië 'ö- pö: «Me "su me 'ö yaa- wü bha- -dhökë "ëen 'ö yaa- "blëen- bha- -dhökë, 'ö- -bha -ben bha- -ya 'ö -kodhe -bha, "ëen 'ö -kpong "dhiü, <sup>10</sup>-a -me -dho Atanna -bha -mawönsiödhe 'ö "yi 'yaa- "piü bha- mü -dhe -ko 'wo we "dhiü- mü- 'ka bha- 'dhö. Me "pepe 'ö waa- -kë "dhü, -a -me -nu -dho -wëédhe yö peng 'ö 'yaa "dhuu bha waa- blöön" peng =në- 'gü Atanna -bha "kië "slüöslü -nu bha waa- "bhlaanë -a -nu -kuu "dhiü. <sup>11</sup>Peng 'ö "dhü bha peng 'ö- "gbiën -yö bho -todhü 'ka, 'ö "teepadhe 'yaa- 'gü, 'ö- 'yënnng- 'gü 'yaa 'dhö 'ö- gbeng 'gü 'yaa 'dhö yö -mü. 'Sa yö =në me "pepe 'wo dho wü bha- -dhökë waa- "blëen- bha- 'dhö, "ëen 'ö dho 'klëë- 'kpo- -nu -bha bha wo dho 'dho- 'gü.

<sup>12</sup>'Wön 'ö- -wön 'gü 'yö Atanna -bha me -nu 'ö pö 'aa- -nu -bha, 'ö 'wo- -bha 'töng- kun "ëen 'wo -zu yö Yesu -dhe bha 'wo dho- 'kun "gbu- bha 'yö bha.

<sup>13</sup>-Dhe 'ö =ya kë "dhü, 'yö -wu 'bha -yö bo dhang- 'gü 'ö- pö n -dhe 'ö- pö: «'Wön 'ö maa- pö bha -bhö -a -ben zë! -A pö me "pepe 'wo dho ga Atanna -bha zian -ta 'ö go =dëe bha 'ö dho- 'ka "dhiü bha- -nu -dhe -a -nu -bha -së! 'Wön 'ö- -wön 'gü 'yö 'Nii- "slüöslü yöö =dede 'ö- -ziö -ta -ziö 'ö- pö: «-Yö "dhü tean- 'ka, -a -gen -mü -dhe sëe 'wo- bho bha -wo -dho wo 'gü -dhië- zian- -ta bha 'yö bha. -A -gen -mü =dhe 'wön -sengö -nu 'wo- -kë kö -wo -tun "yaan bha -wo -dho -kpan =gban -bha Atanna -kuu "dhiü.»

14A -to -dhegadhe 'gü, 'a dho "kan 'zü n -ta kö dha 'kpong- "puu do 'bha -ya -wo "yea-, kö pë 'bha -yö -ya -sü 'ka- -ta -dhe me "bhu- 'dhö. Kö "sënnng faan- -ya -gɔ -bha, kö -dhaa "gang "dhiü- do -ya -kwæ-. 15'Yö Atanna -bha "kië do 'bha -yö go- -dhɔkëgüko 'ö dhang- 'gü bha- 'gü 'yö zun- pö -sü bha 'me 'ö gun -ya -sü 'ka dha 'kpong- -ta bha- -dhe "gbu- 'ka 'ö- pö: «-Bhö i -bha -dhaa "gang bha- 'sü kö 'i "kpungtaadhe -mlü "kan- 'ka, -a -gen -mü -dhe -ya kë -dhe -mlü -pë kë -sü -bhlaa -në- 'dhö, Atanna -bha za dɔ me "bhu- -nu -bha "tüng -ya -loo.» 16'Yö 'me 'ö gun -ya -sü 'ka dha 'kpong- -ta bha 'ö -kɔ -da ö -bha -dhaa bha- 'gü, 'yö "kpungtaadhe -mlü -kan.

17'Yö Atanna -bha "kië do 'bha -yö go 'zü- -dhɔkëgüko 'ö dhang- 'gü bha- 'gü kö -dhaa "gang "dhiü- bha- do 'bha -ya -kwæ- 'pö 'yö zun "kpënnng.

18'Yö Atanna -bha "kië "wæ do 'bha 'ö -kɔ -ziö peng -gɔ -sü "sü 'dhö- -dhe bha 'ö go- -dhɔkëtagwë "klu bha- 'gü, 'yö- pö me 'dhe -dhaa "gang gun- -kwæ- bha- -dhe "gbu- 'ka 'ö- pö: «-Bhö i -bha -dhaa "gang bha- 'sü kö 'i -drɔɔ -dhü -nu 'wo "kpung -taa bha- -nu -kpaa "kan- 'ka, -a -gen -mü -dhe 'ö -dhe -drɔɔ -dhü 'dhö kö- ga -gbaan -pë kë. 19'Yö Atanna -bha "kië bha 'ö ö -bha -dhaa "dhiü- bha- sü 'ö- -ziö "kpungtaadhe -gban 'gü, 'yö -drɔɔ ga bha- -gban bho, 'yö- -loo -gwë "wlü 'kpii- do 'ö -dhe 'wɔn 'ö Atanna dho- wɔ ('me 'wii ö -bhlëë -ya) -nu -ta -a -zɔn 'ka 'dhö bha- 'gü, 'pö- -taama -dhe 'bha 'gü mü. 20'Yö 'wo -drɔɔ ga bha- zɔn "wlü 'kpii- bha- 'gü 'pö- -taama -dhe bha- 'gü, 'yö -yɔɔn 'ö go "wlü bha- 'gü 'yö- -gböng -yö -ziö 'yö "kidhung këng -yaaga 'ta sü, 'yö- -bha -kë -gblëen -sü 'gü, -soo -ya -da -bhaa 'yö -ya -kafë 'ö- "dhi bha- -naa -ta.

**Atanna -bha "kië -nu 'ö nëng -gɔɔ "saɔple -yö gun -a -nu -gɔ 'ö Zan -ya -dhe yö -a -dhiang 'ö- zë**

**15** 1'Yö n "yan -yö -da 'zü "dhabhliwɔn -ziisü 'ö- 'wɔn -yö me kɔn -a -dhe 'gü dhang- 'gü. 'Yö 'a Atanna -bha "kië "saɔple yö kö nëng "saɔple -ya -nu -gɔ 'do 'do 'ka. Nëng -totaamasü 'ö dho -ya "kpungtaadhe "dhiü kö -yö kë Atanna -bha -mawɔnsiödhe "dhiütodhe 'ka bha -në gun bha.

2'A dho -dhe -ga kö pë 'bha 'ö me "yan -yö -ziö- 'gü -dhe "dënggbɔ 'dhö bha -yö wɔ -sü 'ka mü mɔɔdhö -dhe -gban 'gü, "këe kö peng -yö kaan- -sü 'ka- 'ka. 'Yö 'me 'wii wo -gɔ 'dho "sia- wü bha- -dhe tongtongdhö 'ö 'wo to- "gbu- 'ka- -ta waa- "blëen- bha waa- 'tɔ -ben 'ö "nimlɔɔ 'ka bha- 'dhö bha 'a- -nu yö kö -wo dɔ sië "yi -gblü bha- "sɔɔ, kö kɔnnng -nu 'ö Atanna -ya nu- -nu -dhe bha -ya -nu -kwæ-. 3Kö -wa 'tɔ bhɔ -tan 'ö Moizö 'ö -kë -a -bha yëkëme 'ka bha 'ö- bho yi 'bha 'ka bha waa- "bhlaanë bha- -bha bho sië 'wo- pö: «'Gü "gbu- Atanna, i këwɔn -nu -wo "mlümlüsü 'ö 'wo -bhlëësü -dedewo. Bhi -në 'i -gblüdë "pepe 'wo "se -gɔ "dhiü, -a -nu -gban -bha -gblüdë 'ka, i këwɔn 'bha 'yaa -sua 'ka, 'yö pö 'aa- 'bha -bha tongtongdhö. 4'Dee 'yii 'dho "suö i -gɔ, yi Dëme? 'Dee 'yii 'dho "wɔ- -bha kö -yö i 'tɔ bhɔ?

-A pö 'yi- wo "dhü bha- 'klɔɔ- -mü -dhe bhii dosengseng -në pö 'aa i -bha tongtongdhö, -a -wɔn 'gü "sɛ -gban "pɛpɛ suu- -dho nu 'wo zun wo kpiö 'gü bhi -në i -dhe 'yö 'wo i -dhɔkɛ, -a -gɛn -mü -dhe i kɛwɔn -nu 'ö pö 'aa- 'bha -bha bha- 'bha 'yaa -bin -sü 'ka mɛ 'bha -gɔ 'zü.»

<sup>5</sup>-Dhe 'ö- 'dhe bha -ya kɛ "dhü, 'yö 'a Atanna -dhɔkɛgükɔ 'ö dhang- 'gü, 'ö bɔɔ" 'ö- -yaa 'ka bha 'ö- 'gü bha- yö kö- "dhi -ya "pu. <sup>6</sup>'Yö- -bha "kiɛ "saɔplɛ 'ö nɛng "saɔplɛ bha 'ö gun- -nu -gɔ bha 'wo go 'kɔ bha- 'gü 'wo zun "kpɛnng, kö sɔ "puu 'ö 'bha- -ga 'ö dɔ i "yan 'gü -glanglandhö bha -ya -nu -bha, kö "sɛnng kwipɛn -yö -ya -sü 'ka- -nu -bha sɔ bha- -ta -a -nu -kuu 'gü -dhe "tüng 'gü. <sup>7</sup>'Yö pɛ "yaandhe -yiisiö 'wo Atanna -kuu "dhiü bha- mɛ dɔ -yö "sɛnngbɔnɛ "saɔplɛ, 'ö pa -sü 'ka Atanna 'ö 'dhö -todhü 'ka bha- -bha -mawɔnsiödhe 'ka bha- nu -a -bha "kiɛ "saɔplɛ bha- -nu -dhe. <sup>8</sup>'Yö Atanna -dhɔkɛgükɔ bha 'ö pa -a -bha 'tɔbhɔdhe waa- -bha 'gügubudhe pɛng "gbiɛn 'ka, 'yö mɛ 'bha 'kɔ 'yaa gun -mɔɔ siɛ- -bha kö -yö -da -a -dhɔkɛgükɔ 'gü -a "tüng 'dhe 'kö bha- 'gü kö nɛng "saɔplɛ 'ö- -bha "kiɛ "saɔplɛ bha- -nu -gɔ bha 'yii ziö -kö.

**Atanna -bha -mawɔnsiödhe gbɔnɛ "saɔplɛ bha-  
-wɛnng "kpung -taa -kɔ -dhiang 'ö Zan -za zɛ**

**16** <sup>1</sup>-Dhe 'ö -ya kɛ "dhü, 'yö 'a -wu do 'bha ma kö -yö 'go siɛ Atanna -dhɔkɛgükɔ 'ö dhang- 'gü bha- 'gü 'ö- pö- -bha "kiɛ "saɔplɛ bha- -nu -dhe "gbu- 'ka 'ö- pö: «-Ka 'dho kö 'ka Atanna -bha -mawɔnsiödhe gbɔnɛ "saɔplɛ bha- 'gü -pɛ -wɛnng "kpung -taa.»

<sup>2</sup>-Dhe 'ö -wu bha 'ö -wɔ "dhü, 'yö Atanna -bha "kiɛ -nu bha- mɛ -blɛɛsü -yö dho 'yö ö -bha 'gü -pɛ -wɛnng "kpung -taa. 'Yö bhie -ziiziisü -nu, "kɛɛ -nenɛsü -nu 'wo -ya "kan -sü -bha mɛ 'wo kɛ wü bha waa- "blɛɛn- bha- -dhɔkɛ bha- -nu -bha.

<sup>3</sup>'Yö- mɛ -plɛ -naa -yö ö -bha 'gü -pɛ -wɛnng -weeyi -bhaa. 'Yö -weeyi -gban -yö -kɛ -dhe -yɔɔn 'ö -ya kpö 'kun -a 'dhö, 'yö pɛ "yaandhe "pɛpɛ 'ö- -bhaa 'yö- -gban -yö ga.

<sup>4</sup>'Yö- -yaaga -naa -yö ö -bha 'gbɔnɛ 'gü -pɛ -wɛnng -gwaan -nu waa- "yi 'sɛɛnɛ "pɛpɛ 'ö "kpung -taa -a -gban -bhaa, 'yö- -gban -yö -kɛ -yɔɔn 'ka. <sup>5</sup>'Yö n "tu -yö -da Atanna -bha "kiɛ 'dhe 'ö- -kɔ -yö -ziö "yi -nu -gɔ "dhü bha- -wu 'gü kö -ya pö siɛ: «Bhii Atanna 'i gun yi 'bha 'ka, 'i -tun -dɛɛ, 'ö 'i 'slüöslü, 'ö 'wɔn yaa 'yaa zun i -bha tongtongdhö bha i -bha 'wɔn -bho mɛ "bhü- 'gü -sü 'ö -dhe -kɔ bha- 'dhö bha- -dhe -mü. <sup>6</sup>-A pö 'a- wo "dhü bha- 'klɔɔ- -mü -dhe 'mɛ 'wo bha -në 'wo i -bha yɛkɛmɛ -nu zɛ waa- i -wudhiüloome -nu 'dhö, 'wɔn 'ö- -wɔn 'gü 'yö 'i -yɔɔn 'kpɔ siɛ- -nu -gɔ bha 'yö bha, 'sa -a -dhe =dede -në 'wo- =mɔɔ.» <sup>7</sup>'Yö 'a -wu do 'bha ma 'zü kö -yö 'go siɛ Atanna -dhɔkɛtagwɛ "klu bha- 'gü 'ö- pö: «-Yö "dhü tɛan- 'ka, n Dɛmɛ ma Atanna, 'ö i -bha 'gügubudhe -dhiang 'yaa zɛ, i -bha 'wɔn -bho mɛ "bhü- -nu 'gü -sü 'ö -dhe -kɔ bha- 'dhö bha- -dhe -mü, pö 'yaa i -bha!»

8'Yö Atanna -bha "kië -nu bha- me -yiisio -naa -yö ö -bha gbönë 'gü -pë bha- =wënnng 'yënnng- -bha, 'Yö 'yënnng- -yö zun 'ma -sü -bha me "bhu- -nu 'ka wuuudhö -dhe peng 'dhö. 9'Yö 'yënnng- bha 'ö ma me "bhu- -nu 'ka -dedewo 'yö- -yënnngdhe kpɔ- -bha, "kɛɛ yö -zë -gban 'gü, 'wii wo -kɔ "kan wo kē -sɔng yaa -nu "dhiü. "Si -zian =në 'wo- bho Atanna 'ö yöö do =në =mɔɔ- -bha 'ö nëng suu bha- -ya me "dhiü "ɛen 'ö- bho me -ta bha- -gɔ.

10'Yö Atanna -bha "kië -nu bha- me "sɔɔdhu -naa -yö ö -bha gbönë 'gü -pë bha- =wënnng wü "dhabhli -sü bha- -bha -gblüädhe -ta. 'Yö -dhe 'gü -yö =tröö tii 'ka -blünblündhö -bha "sɛ "pepe 'ö gun- -gɔdhiü bha- -ta. Pë -ma -a -nu 'ka -kɔ yaa 'gü yaa bha- -wɔn 'gü, 'yö- -nu "sɔn -yö -ya -a -nu 'nɛɛ -zë -sü bha- -nu =zii -kɔ yaa 'ö- "dhiü bha- -wɔn 'gü. 11'Wɔn -ziisü -ziisü -nu 'wo gun kē sië- -nu 'ka, 'ö bhië -nu -wo -kan -a -nu -bha "dhü bha 'yii 'sika -zë -da -nu 'gü kō -wo wo -gɔ 'dho "sia- Atanna -dhe, kō -wa =bhlëë -ya. "Si -zian =në 'wo- bho- -gɔ -a -nu -bha bhië -nu bha- -wɔn 'gü, 'yö 'wo wo 'gü -siö woo- 'wɔn yaa kē -sü -bha 'wo dho- 'ka.

12'Yö Atanna -bha "kië -nu bha- me "sɔɔdo -naa -yö ö -bha gbönë bha- 'gü -pë =wënnng =gwaanga 'kpüi- 'wo- -dhe Öflatö bha- -ta. 'Yö 'yi bha 'ö =bhüü 'yö to "yɛen 'ö- =bhaa bha =në- -bha, kē "dhü kō -yö zian bho -gblüäd -nu 'ö- -nu -go 'yënnng- -wo -zian 'ka -wɔn -yö gun bha- -nu -gɔ. 13'Yö 'a 'yina yaa -yaaga 'wo =dhe "töng 'dhö -a -nu yö kō -wo 'go sië wü "dhabhli -sü bha waa- Atanna -wudhiüloome =suasü bha- -nu "dhi. 14'Dhabhliwɔn -nu kē "yina yaa -nu =në gun- -nu 'ka. 'Yö "yina yaa -yaaga bha 'wo -ziö 'wo dho -gblüäd "pepe 'wo gun "kpungtaadhe =gban -gɔ "dhiü bha- -nu "piü kō -wa -nu =loo 'ko -ta kō -wo 'dho -gblüädhe 'gü. 'Sa -gblü bha woo 'dho -da "töng =dede 'ö- 'gü bha =në dho kē Atanna 'ö- -fiëbhawɔn 'yaa 'dhö bha- -bha ö -bha 'gübgudhe -zɔn "kpungtaadhe -dhe "töng "gbu- =dede 'ka.

15-A -gen -mü -dhe -dhekpaɔyi bha =në Atanna -ya zë- -wɔn -dhe 'yö- pö ö -wu 'gü 'ö- pö: «-Dhe -ga, n nu -sü -dho kē =dhe =kwaanme nu -sü 'dhö (me 'bha 'yii 'dho- "töng dɔ)! 'Me 'ö yaa- -to "yaan -kē kō -yö zun- 'ka "töng bha- -bha Atanna -bha zian -ta, 'ö ö -bha -sɔ kun -së 'ö 'yaa "blë, kē "dhü kō 'ya 'dho ziö ö 'kpee- 'ka 'ö 'yiü- -yö dɔ- -bha, kō- -me -bha -së.»

16-Dhe 'ö "yina yaa -nu bha 'wo -gblüäd -nu bha- -nu =loo 'ko -ta -a -bha bha -wa -dhe -dhe eblö -wu 'gü Aamagedɔn.

17'Yö Atanna -bha "kië "sɔɔplɛ 'a- -nu yö -a -bha -mawɔnsiödhe gbönë 'ka wo =kwɛɛ- bha- me "sɔɔplɛ -naa -yö ö -bha 'gü -pë =wënnng 'tëng- -ta "sɛ waa- dhang- -nu =zinng 'gü. 'Yö 'a -wu do 'bha ma kō -yö 'go sië Atanna -dhɔkëgükö 'ö dhang- 'gü bha- 'gü -gbloo 'kpiisü bha- -dhe 'gü 'ö- pö "gbu- 'ka 'ö- pö: «-A -bha =ya =yën =tɔn!» 18'Yö dha -yö -ya "yan 'kun -sü -bha, kō -yö "wɪ sië, 'yö -wu 'bha -nu bha 'wo -ya "wɪ -sü -bha kō "sɛ -yö =zii sië "gbu- =dede 'ka. "Sɛ 'dhe 'ö =zii 'yi bha- 'ka bha- -bha -kē "gbusü bha, -a "sinma -bleesü 'yii kē do 'ö sü- 'ka "sɛ kē -yi -bha 'ö dho 'ö zun- 'ka 'yi bha- -bha. 19-A -kē "dhü -sü bha- 'gü, 'pö- 'kpüi- 'wo- Babidhɔnö -dhe -kē bha -yö kē -pe 'ö 'gü

-yaaga, 'ö 'pö- "gblügbliü "pepe 'wo "kpung =taa -a -gban -yö wü trëtrëndhö. Atanna -zv -yö -bö Babidhönö -pö 'wo- gɔɔ -pö -kë bha- =song -nu -ta -kɔ bha =në- 'gü 'yö 'wɔn 'ö- -kɔn dɪn 'yaa -së bha- -wɔ -ta. <sup>20</sup>'Yö "sɛ "pepe 'ö 'yi -zinng 'gü =zinng 'gü -dhe -nu 'gü -a -gban -yö -dheng waa- -tɔn -nu 'dhö 'yö 'wo to- 'gü. <sup>21</sup>'Yö mëngga 'ö- do -yö =mɔɔ- -bha 'ö "kidhung -kaɔng -yiisio bho bha 'ö -ya 'go -sü -bha dhang- 'gü 'ö =wënnng me "bhu- -nu -ta. 'Yö 'wo -ya "si bho -sü -bha Atanna -gɔ nëng 'ö -ya -a -nu "dhiü mëngga -dha ban -sü 'ka bha- -wɔn 'gü, -a -gen -mü -dhe -yö -gun -ziisü "dhiü ziö 'ka.

**-Zuadhe 'kpii- 'wo- Babidhönö -dhe -kë bha- -dhiang 'ö Zan -ya zë**

**17** <sup>1</sup>=Dhe 'ö =ya kë "dhü, 'yö Atanna -bha "kië "saɔple 'ö gbɔnë "saɔple bha 'ö gun- -nu =kwɛɛ bha- me do -yö =yɔɔn n "sɔɔ 'yö- pö n -dhe 'ö- pö: «-Bhö nu kö -kɔ 'ö Atanna dho 'wɔn bho- 'ka -zuadhe 'kpii- 'ö -ya -sü 'ka 'yi "gblügbliü -nu -gɔ "dhiü bha- 'gü bha 'a- -zɔn i -dhe. <sup>2</sup>-A -gen -mü =dhe -gblüde "pepe 'wo "kpung =taa -wo wo -dɪ -da -sü 'ka yö =në- "piü 'yö 'wo -da -sü 'ka -zua zë -sü 'gü, 'yö- -nu -bha "yënnng dɔ =ya kë =dhe we 'dhö 'yö- -nu zë sië bha.»

<sup>3</sup>=Dhe 'ö- pö n -dhe "dhü, 'yö Atanna -bha 'Nii- -yö pa n 'ka, 'yö- -bha "kië bha 'ö n sü 'yö dho n 'ka "tungtadhe do 'bha bha- 'gü. A dho -dhe -ga kö dhebho 'bha bha -yö -ya -sü 'ka wü -zaɔndhö 'bha 'ö- -bha -dhe =gban 'dhö -ben zë -sü 'ka, "kɛɛ 'ö -ben 'ö- -bha bha- =gban 'dhö "si -bho Atanna -gɔ -wɔ =në- 'ka bha- -ta. Wü bha- -gɔ -gun "saɔple, 'yö- -sö -yö gun -kaɔng do. <sup>4</sup>Sɔ -nu 'wo gun dhebho bha- -bha bha- 'bha -nu -gun -zaɔndhö =dede 'ka -gɔngbandhö, 'yö- 'bha -nu -bha -zaɔndhö -dhe "dhiü 'yii pa -së 'ka, kö -zutapë -nu 'wo- -gɔ -a =gban "pepe -yö "sënnng =në- 'ka, waa- -gwë =bhlëësü -nu waa- -zɔɔga =bhlëësü -nu 'dhö. Kö "sënnng gbɔnë do 'bha 'ö pa -sü 'ka -a kë -song yaya -nu 'ö -gban -bha -zua zë -sü -bha bha- 'ka bha- 'ka. <sup>5</sup>Kö 'tɔ 'ö me 'bhaa- 'klɔɔ- dɔ bha -yö -ya -sü 'ka- -kpong "dhiü 'ö- pö: «Babidhönö -pö 'ö -zuazëme "pepe =gban waa- 'wɔn yaa "pepe 'ö- -yënnng -yö Atanna -kë -a =gban dhe 'godhe 'ka.» <sup>6</sup>'A dho -dhe -ga kö Atanna dhɔɔbhaame -nu waa- Yesu "sɛɛ- -nu 'ö- -nu =yɔɔn =wënnng bha- bian yaa- 'kun, 'a- yö, -a 'wɔn =dede kë n -kɔn.

<sup>7</sup>'Yö Atanna -bha "kië bha 'ö- pö n -dhe: «-A 'wɔn -yö i -kɔn -më -wɔn 'gü? Dhebho bha waa- wü 'ö -ya -ta 'ö- -gɔ 'dhö "saɔple "kɛɛ 'ö- -sö 'dhö -kaɔng do bha a -dho -a 'klɔɔ- pö i -dhe.» <sup>8</sup>'Yö- pö n -dhe: «Wü 'i- -ga bha -yö -gun "yaan yi 'bha 'ka "kɛɛ 'yaa 'dhö 'zü. -Yö -dho 'go -klɔng züziösü bha =në- 'gü "kɛɛ kö- 'gü =në -yö see-. Me "pepe 'wo "kpung =taa 'ö- -nu 'tɔ -ben 'yaa zë -sü 'ka Atanna -bha dha -sü 'sëedhe 'gü "sɛ waa- dhang- -nu kë "töng 'gü bha =wa wü bha- yö, -a 'wɔn -dho -nu 'kɔn. -A 'klɔɔ- -mü -dhe -yö -gun, "kɛɛ 'yaa 'dhö 'zü, "kɛɛ -yö -dho -ya mü 'zü 'ö bho -deewo.

<sup>9</sup>Me -mawɔn dho kë 'wɔn -bho 'koo dɔ -sü waa- "gblüödhe 'daɔnnu -sü -bha "töng 'ö- 'ka -a do 'bha =në bha, kö me -yö 'wɔn bha- 'klɔɔ- dɔ. -A -gen

-mü -dhe wü bha- -gɔ "saɔple bha -yö -tɔn "saɔple 'ö dhebho bha 'ö -ya -sü 'ka- "dhiü bha -në- "blɛn- 'ka, 'yö -ya mü 'zü 'ö -gblüdë "saɔple 'ka. <sup>10</sup>-A -gblüdë "saɔple bha- mɛ "sɔɔdhu -zë -a -nu -bha -ya bo 'nu, 'yö- mɛ do 'ö 'ö -bha kɛ sië "tüng ya- 'gü, 'yö- mɛ do 'bha 'dhö nu sië. -A mɛ 'dhe 'ö nu sië bha yö -zë -yö -dho nu kö "tüng 'yaa 'gbe 'zü. <sup>11</sup>'Yö wü 'ö gun yi 'bha 'ka, "kɛɛ 'ö 'yaa 'dhö 'zü bha 'ö -gblüdë -nu bha- -nu "saaga -naa 'ka, 'sa -yö -gun mɛ "saɔple -blɛsü bha- -nu kpö 'gü, 'yö- 'gü see- "tüng 'dhö -loo sië bha.

<sup>12</sup>-A -sö -kaɔng do 'i- yö bha -wo -gblüdë -kaɔng do -në- 'ka 'pö, "kɛɛ wo -zë 'wii wo -bha -gblüdëdhe zü bho -kö, "kɛɛ -wo -dho "sɛ nu- -nu -dhe 'ö wo -gblüdëdhe -kë "tüng 'në 'bha 'ka waa- wü bha- -nu 'dhö. <sup>13</sup>-A -gblüdë -nu -kaɔng do bha- -nu zuëpiüwɔn -dho kɛ do, 'ö 'wo woo- mɛ -dhe waa- -nu -bha 'gügbudhe sü 'wo- dɔ wü bha- -gɔ. <sup>14</sup>'Yö 'wo 'ko zë Atanna -bha "bhlaanë 'ka, "kɛɛ -a -nu -kɔ 'yii 'dho =mɔɔ- -bha, "bhlaanë bha- -kɔ -dho ziö- -nu -gɔ, -a -gen -mü -dhe yö -në mɛ -gɔdhiümɛ =gban -bha -gɔdhiümɛ 'ka, 'yö -gblüdë =gban -bha -gblüdë 'ka. "Bhlaanë bha 'ö 'ö -bha mɛ -nu 'ö- -nu -dhe, 'ö- -nu -ya, 'ö 'wii 'go wo -wu -ta tongtongdhö, "ɛɛn 'ö 'wii "kan- -bha bha -në wɛng- -nu -a -nu -kɔ dho ziö -gblüdë -nu bha- -nu -gɔ "dhü bha.»

<sup>15</sup>'Yö Atanna -bha "kië bha 'ö- pö 'zü n -dhe 'ö- pö: «"Yi -nu 'ö dhebho bha 'ö gun -ya sië- -gɔ "dhiü bha, "siya -nu oo, mɛ kpö -nu oo, "ɛɛn "sɛgɔ -nu waa- -wu suu "pepe 'ö "kpung =taa -a pö -mɛ -nu =gban -në- -nu -zɔn 'ka 'dhö bha. <sup>16</sup>-A wü bha waa- -sö -kaɔng do 'i- yö bha -wo -dho wo zü kɛ do 'wo -da -zuadhe bha- -dhe pë "piü, 'wo- =sɔɔpë -gban "pepe sü- -gɔ 'wo sɔ =gban bho- -bha 'ö to 'ö 'kpee- 'ka, 'ö -ya mü 'wo- -wü 'bha -bhö, 'wo- -kpea dɔ pɛng "dhiü. <sup>17</sup>-A -gen -mü -dhe Atanna yöö -dede -në 'ö -wu kpɔ- -nu -bha kö 'wɔn 'ö- -zu "piü -dhe 'ö- kɛ 'nu -zuadhe bha- 'ka bha wo -zë -wa kɛ, -dhe waa wü -nu bha -wo wo zü kɛ do, kö -wo wo -bha mɛdhe =gban 'sü -wa dɔ- -kɔ 'ka kö -yö 'to- 'ka "dhü -yö zun- 'ka -wu 'ö Atanna -ya pö yi 'bha 'ka -dhe -yö -dho kɛ bha- -gban 'gü -wɔn kɛ -yi -bha.

<sup>18</sup>'Yö go mü 'ö- pö: «"Ya 'go yö -zë 'gü, dhebho 'i- yö bha -në 'pö 'kpii- 'ka, yö -në -gblüdëdhepö "pepe 'wo "kpung =taa -a =gban -gɔ 'ka.»

**'Wɔn -wɔ Babidhɔnö -dhe -ta -kɔ -dhiang 'ö Zan -ya zë**

**18** <sup>1</sup>-Dhe 'ö -ya kɛ "dhü, 'yö 'a Atanna -bha "kië "wɛɛ do yö kö -yö 'go sië dhang- 'gü 'ö -lɔɔ, "kɛɛ kö Atanna -yaa- gba 'gügbudhe -dede 'ka, 'yö- 'bhü -yö =mɔɔ "kpungtaadhe =gban 'gü. <sup>2</sup>'Yö Atanna -bha "kië bha 'ö -gbla "gbu- 'ka 'ö- pö: «'Pö- bha -ya 'wü, Babidhɔnö -pö bha -ya 'wü, -ya 'wü -trukpe -trukpedhö. -A -dhe -ya kɛ "yina yaa suu =gban "pepe 'do 'do -yɛa =bhaa -dhe -në- 'ka dɔ 'kwa- wo ya- 'gü. -Maa -yɛnngsü -nu 'ö- -nu -dho 'yaa mɛ 'bha kɛ bha -në 'wo 'kɔ dɔ sië- 'gü =taamasü ya- 'gü. <sup>3</sup>Kë 'ö- wo "dhü bha- 'klɔɔ- -mü -dhe Babidhɔnö -pö bha -ya =gbaɔn 'gbu-. Yö -në

-kaa dha kë -sü bha- we kpɔ "kpungtaame =gban "pepe -gɔ, 'yö -gblüdë "pepe 'wo "kpung =taa 'wo -da -zua zë -sü 'gü- "piü, 'yö me "pepe 'wo "dhɔɔɔɔme -nu 'ka "kpung =taa 'wo wo zü -gban -a -bha -naɔ "yan bhɔ -sü -ziisü bha- 'gü 'yö 'wo -kë =naɔme 'ka.»

<sup>4</sup>Yö 'a -wu "wëe do 'bha ma dhang- 'gü 'zü kö -ya pö sië 'ö- pö: «Më "pepe 'ka bɔ n 'ka -ka 'go 'pö- bha- 'gü, kö ka -kɔ 'ya 'dho -da -a -bha 'wɔn yaa bha- 'gü, 'ö 'wɔn "gbugbu- -nu 'ö Atanna yöö- wɔ- -ta bha 'ö ka =slɔɔ. <sup>5</sup>-A -gen -mü =dhe 'wɔn yaa -nu 'ö- -kë bha- -gɔn 'ö dɔ 'ko -ta =ya 'dho =ya zun dhang- -bha, -a -wɔn 'gü, Atanna -zu =ya -da -a këwɔn yaa -nu bha- -nu -ta. <sup>6</sup>Yö -wu do bha 'ö- pö: «-Ka 'wɔn bho- 'gü =dhe -kɔ do 'ö 'wɔn bho- 'ka 'pö ka 'gü bha- 'dhö. -A -bha -zian -zë "dhiü- ziö- 'dhe 'ö- -kë ka 'ka bha- -ta. -Kaa -bha wemükakɔɔ pa we "dhiü- 'ö- -bha "dhiüdhe -yö -ziö -a 'dhe 'ö- nu ka -zë ka -dhe bha- -ta bha =në- 'ka. <sup>7</sup>Ö gun 'tɔ 'kun sië -kɔ do 'ö- 'gü, 'ö =naɔ -yan -kë -kɔ do 'ö- -bha "kpung =taa bha -ka 'wɔn bho- 'gü -kɔ do bha =në- 'gü. -A -gen -mü =dhe -ya -pö 'ö -dɔ -dhe =dhe 'ö -ya =dhe -gblüädhe -ya, 'yaa =geandhe 'ka, 'een 'pë 'wo- -dhe ga, 'yii 'dho bhɔ 'ö -bha tongtongdhö 'ö to- -bha. <sup>8</sup>Wɔn 'ö- -wɔn 'gü 'yö 'wɔn "gbu- "pepe 'ö dho kë- 'ka 'yö =gban dho kë -dhekpaoyi do =në- 'ka bha 'yö bha. Din- -dho -a kë, 'ö ga -yö bhɔ- -bha, 'ö -ya =gean sɛɛ" -ta, 'ö peng -ya -bhö, "keɛ -a =gban- -dho kë "dhü -dhekpaoyi do =në- 'ka, -a -gen -mü =dhe Atanna 'ö 'wɔn bho sië- 'gü "dhü bha kwa Dëme, kwa -bha Atanna 'ö- -bha 'gügbudhe -dhiang 'yaa zë bha- yö -mü.»

<sup>9</sup>-A -kë "dhü -sü bha- 'gü, -gblüdë -nu 'wo kë wo -gen -da -zua zë -sü 'yi -bhaa -kaadhadhe bha- "piü, 'ö 'wo gun =naɔ -yan kë sië 'pö -dhe- 'dhö bha -wo -dho "gbu bɔ, 'ö 'wo -wëë -wu =gban "pepe suu 'do 'do kpɔ- -bha, kö =wa peng 'ö dho- -bhö bha- "gbiën yö. <sup>10</sup>-Wo -dho dɔ- 'ka =gblëen, kö "suü =ya -da -nu 'gü 'wɔn 'ö wɔ sië 'pö- bha- -ta bha- -wɔn 'gü 'ö 'wo "kaabho 'wo- pö: «"Eke, n dhe" -nu, -më -pë -wëëwɔn =në -ni? Babidhɔnö -pö, bhi 'ö 'i gun 'pö- -ziisü 'ka i -bha -kë 'kpiisü waa- i -bha 'gügbudhe -nu 'gü ya bhi =në 'wɔn -yö -wɔ i -ta 'yënn- "tɛɛ doseng -ta -ni -ee?»

<sup>11</sup>"Dhɔɔɔɔme -nu 'wo "kpung =taa- =gban- -dho "gbu bɔ 'wo ga -ya wo- -wɔn 'gü, -a -gen -mü =dhe 'kö "dhɔɔ -kwëɛ- -nu 'ö gun- -nu -gɔ 'ö -kë <sup>12</sup>"sënn- -nu oo, 'wëë- "puu -nu oo, -gwë =bhlëësü -nu oo, -zlɔɔ -sesengbɔ -nu oo, sɔga "kpeakpɛa -nu waa- "gblan "bhɛɛ -nu oo, -a sɔ 'trëngtrëng 'dhe 'wo- "gla -kë bha waa- 'gɔ- "yi sɔ -nu oo, 'een "dhü suu "pepe 'ö- -wɔn 'dhö "gbu- -nu wo 'ö- -fii 'dhö -së bha waa- biö "sɔn -nu oo, "dhü =bhlëësü -nu waa- pë 'dhe 'wo- -pë -kë zën -nu waa- piö -nu waa- gënn- 'gwë -nu 'ka bha oo, <sup>13</sup>pëdindhipe -nu waa- "tvu "dhiü -pë -nu oo, -dhasiklɔɔ yi -nu waa- "yɔn -nu 'wo- 'miidhö -kë bha oo, -a 'dhe 'ö "gü -bha 'ka bha waa- -drɔɔ -nu bha oo, "yɔn -nu, 'bluu- -bi -nu waa- ga -nu, -du -nu waa- "bhlaa -nu, =soo -nu waa- gɔ 'dhe 'ö =soo -ya -gan -nu wo bha waa- -dhuëng -nu bha- 'bha 'dho me 'yaa 'dhö 'zü. <sup>14</sup>Ö "dhɔɔɔɔme -nu bha 'wo

dɔ 'pö- bha- 'ka =gblɛɛn =dhe -kɔ bha- 'dhö 'wo- pö: «-A -ga bha, Babidhɔnö -pö, pë "pɛpɛ 'ö- wɔn "dhia- gun i 'gü, 'ö gun i "piü -dhe -yö kè i -gɔ, "ɛɛn pë "nɛɛnɛɛ -nu waa- pë -sɛngbɔ -nu 'ö gun i -gɔ bha- -ga 'ö- =gbaan -töng "dhiü "kan i -bha, 'ö- =gban 'gü =ya see- i -gɔ 'ö 'bhii 'dho- 'bha yö 'zü tongtongdhö bha.»<sup>15</sup> Mɛ 'wo gun "dhɔɔ dɔ sië 'pö- bha- 'gü 'wo kè -sü 'ka =naɔmɛ 'ka -a 'saa- 'gü bha, -wo dho dɔ- 'ka =gblɛɛn 'wɔn 'ö dho wɔ 'pö- bha- -ta bha- "suü 'ka 'wo "gbu bɔ 'wo -wëë -wu =gban suu 'do 'do kpɔ<sup>16</sup> 'wo- pö: «"Eke, n dhee" -nu! "Eke! Babidhɔnö -pö 'kpiki -kpiki 'ö sɔ ga -yö gun- -bha, 'ö 'gɔ- "yi sɔ -yö gun- -bha, 'ö dho 'ö "gblan "bhɛɛ -da -ta, 'ö gun 'ö -bha 'dhu -sü 'ka "sɛnng waa- -gwë -wɔn "gbu- -nu waa- -zɔɔga -së =gban suu 'do 'do 'ka bha =në- 'gü =ya see- =dhe mɛ- mɛ "yan zë bha -wa!

<sup>17</sup>'Ö 'mɛ 'wo -kè "yitagɔ "dhiü "ta -sü -mɛ -nu 'ka waa- -nu -bha gɔ 'gü -mɛ -nu waa- mɛ 'dhe 'wo yë -kè "yitagɔ bha- 'gü, waa- mɛ "pɛpɛ 'kö 'wo wo -bhöpë =slɔɔ "yi -zë -ta, 'wo dɔ- 'ka =gblɛɛn<sup>18</sup> 'wo =gbla 'gbu -bha kö =wa pɛng 'ö 'pö- bha -bhö sië bha- "gbiën yö 'wo- pö: «"A! 'pö- ya- mɔɔ 'ka 'yaa 'dhö "sɛ waa- dhang- -nu =zinng 'gü!»<sup>19</sup> 'Ö 'wo -wëë -ya wo, kö -wo -bobi -nu dɔ sië wo =gbin- -wëë 'ö -da sië- -nu -ta bha- -wɔn 'gü, 'wo "gbu bɔ 'wo- pö: «"Eke! -Wëëwɔn -wa! N dhee" -nu! 'Pö- 'kpii- 'ö yö =në gun 'mɛ 'wo =naɔmɛ 'ka 'ö "yitagɔ -nu 'wo- -nu -gɔ "yi -ta -a -nu kè sië =naɔmɛ 'ka ya =në =ya 'wü 'yënn- "tɛɛ doseng -ta ya -wa! -Wëëwɔn -mɛɛ =në ya?»

<sup>20</sup>'Yö Atanna -bha "kië -nu bha 'wo zun wo "dhia bho -sü -bha kö -wa pö sië 'wo- pö: «"Mɛ 'ka dhang- 'gü -ka ka "dhia bho 'pö- bha- 'wü -wɔn "dhiü, kö mɛ "pɛpɛ 'ka bɔ Atanna 'ka, Yesu -bha bɔmɛ -nu waa- Atanna -wudhiüloome -nu 'ka ka "dhia bho 'pö. -A -gen -mü -dhe Atanna =ya 'wɔn bho 'pö- bha- 'gü 'wɔn yaa 'ö- -kè ka 'ka bha- -wɔn 'gü.

<sup>21</sup>=Dhe 'ö =ya kè "dhü, 'yö 'a Atanna -bha "kië 'gügbu do 'bha yö kö =ya -gwë 'gbɔng -mɔɔ -bha -sü 'bha bha- 'sü kö =yaa- -zuö =weeyi -bhaa kö -ya pö sië: «Babidhɔnö -pö 'kpii- bha -wo -dho -a -zuö baandhö -kɔ ya =në- 'gü faan 'ka 'yö mɛ 'bha 'yaa- yö 'zü tongtongdhö. <sup>22</sup>Mɛ 'bha "tu 'yii 'dho -da kɔnng zë -wu, "tan bho -wu "ɛɛn "truu suu "ɔɔ suu 'bha -piö -wu 'gü i yaan- -bha 'zü, 'wii 'dho yë suu "ɔɔ suu 'bha kɛmɛ =slɔɔ mü 'zü, "ɛɛn mɛ 'bha 'yii 'dho pë zɔn -vin ma i 'gü 'zü tongtongdhö. <sup>23</sup>-Dhangbha 'bhü 'yii 'dho dɔ mü 'zü, "ɛɛn mɛ 'bha 'yii 'dho dhe 'sü -wɔn, "ɛɛn gwaan- 'kpɔ -wɔn -dhiang -zian zë i 'gü 'zü. -A -gen -mü -dhe 'tɔmɛ "gblügbü =në 'wo gun "dhɔɔ dɔ sië i 'gü, 'yö 'i -da "kpɔngtaame =gban "pɛpɛ -gɔ 'gü i -bha "zɔudhe kè -sü 'ka.»

<sup>24</sup>=Ya 'go mü 'zü Atanna -wudhiüloome -nu waa- dhɔɔbhaame -nu waa- mɛ "pɛpɛ 'wo- -nu zë -a -nu -san -bha bha- -nu -bha "dhang bha =në =ya Babidhɔnö -mɛ -nu =gban ka 'kun bha.»

**19** <sup>1</sup>=Dhe 'ö =ya kè "dhü, 'yö n "tu 'dhö -da =gbang dɔ -wu 'bha 'gü dhang- 'gü =dhe mɛ kpö -ziisü 'wo "wɔ sië- 'dhö kö -wo "kwi "kan sië 'wo -ya mü 'wo- pö: «-Ka Atanna 'tɔ bhɔ, yöö do =në kwa Dhame 'ka,

'tɔbɔdhe waa- 'gügbudhe -wo kwa -bha Atanna bha -në- -bha 'ka. <sup>2</sup>-A dɔ -za bha pö 'aa- -bha, -a -gen -mü -dhe 'yaa za dɔ me 'bha -bha -flü -ta. Yö -në- -wɔn 'gü 'yö 'wɔn bho -zuadhe 'kpii- 'ö "kpungtaadhe see- -sü 'ka ö -bha -zua zë -sü 'ka bha- 'gü. -A 'wɔn -bho 'gü -gen -mü -dhe yö -në kē Atanna -bha yëkēmē -nu -zë.» <sup>3</sup>Yö 'wo "kwi bha- -plē -naa -kan 'zū -deewo 'wo- pö: «-Ka Atanna nue" bho! -A -gen -mü -dhe peng 'ö- -da 'pö 'kpii- bha- 'ka 'ö- "gbiën 'dhö bho sië bha -yö -dho 'to "dhü 'se 'tuü- 'ka!»

<sup>4</sup>-Dhe 'ö =waa- pö "dhü, 'yö me zizi -nu -kaong -plē ga -yiisiö bha 'wo zun wo kpiö 'gü waa- pē "yaandhe -yiisiö bha- -nu 'dhö 'yö 'wo Atanna -dhökē kö -wa pö sië: «Kö -yö kē "dhü bha 'aa -yö kē! Atanna nue"!»

### "Bhlaanë bha- -bha dhe dɔ troo yi -dhiang 'ö Zan -ya zë

<sup>5</sup>-Dhe 'ö =ya kē "dhü, 'yö 'a -wu do 'bha ma kö -yö 'go sië -gbloo 'kpiisü bha- -yaa bha- 'gü 'ö- pö: «Me "pepe 'ka kwa -bha Atanna bha- -bha gwëzë -nu 'ka -kaa nue" bho! Me "pepe 'ka -suü -gɔ, 'me 'ka me -tiandhö 'ka oo, me 'kaa- 'ka oo, me -gban -kaa nue" bho!» <sup>6</sup>'Yö 'a me kpö -ziisü 'bha bha- -wu ma kö -wo "wɪ sië -yuudhö -dhe 'yi 'kpii- -zuö -wu 'dhö, -dhe dha "gbu- 'ö "wɪ sië- 'dhö 'wo- pö: «-Ka -kwa kwa -bha Atanna 'tɔ bho! -A -gen -mü -dhe yö 'ö kwa Dēmē 'ka 'ö- -bha 'gügbudhe "dhiütodhe 'yaa 'dhö bha =ya zun ö -bha medhe kē -sü -bha -tɔn!» <sup>7</sup>-A -wɔn 'gü, -ka -kwa "gɛɛ kē -bha -gblüdédhe bha- -wɔn "dhiü kö 'kwa- -bha bhoo 'kun, kö 'kwa kwa dhia" bho. -A -gen -mü -dhe Atanna -bha "bhlaanë bha- -bha dhe dɔ "tüng -ya -loo, -a -bha dhebho =ya ö bo ö baa- -sü 'ka. <sup>8</sup>-Ya sɔ "puu "pepe 'bhü -yö dɔ me "yan 'gü, 'ö -dhii -tangga -zian 'yaa- -bha bha- -da ö -bha.» 'Sa 'wɔn -së -nu 'ö Atanna -bha me -nu 'wo- -kē bha -në sɔ "puu bha- 'ka.

<sup>9</sup>'Yö Atanna -bha "kië -ya pö n -dhe: «-Bhö -a -ben zë kö 'i- pö me "pepe 'ö Atanna -ya -nu -dhe ö -bha "bhlaanë bha- -bha dhe dɔ -dhe 'gü bha- -nu -dhe -a -nu -bha -së.»

'Yö -ya mü 'zū 'ö- pö: «-Wu 'ö Atanna yöö -dede 'ö- pö -në bha, 'yaa -sua 'ka.»

<sup>10</sup>-Dhe 'ö =yaa- pö "dhü, 'yö 'a zun n kpiö 'gü- -dhe kö 'a- -dhökē, "kɛɛ 'yö- pö n -dhe: «I -dɪ 'kun! 'Me 'ö bhii- kē- -dhe "dhü -a -mē 'yaa -mü ma -zë n 'ka. -A -gen -mü -dhe bhi 'dhö, ma 'dhö, me "pepe 'wo i dheebhang -nu 'ka 'wo 'dhang bho teanwɔn 'ö Yesu Klisi -ya pö bha- "dhiü bha- -nu 'dhö, me -gban kwa gwëë" -në- 'ka -dhe 'ko 'dhö. Me -gban kwa Atanna -në -gɔ, -bhö -a yö -në- -dhökē!»

Teawɔn 'ö Yesu -ya -dhiang zë "dhü bha -në 'wɔn "pepe 'ö Atanna -wudhiüloome -nu -wa pö bha- ga -dede 'ö- 'gü -a 'ka.

### 'Me 'ö gun =soo "puu -ta 'ö Zan -ya yö -a -dhiang 'ö- zë

<sup>11</sup>-Dhe 'ö =ya kē "dhü, 'yö 'a dhang- yö kö- "dhi =ya 'pu. 'Yö 'a dho 'a =soo "puu do yö kö me -ya -ta. 'Me 'ö gun =soo bha- -ta bha -wa -dhe

-towutamɛ, 'ö 'wo- -dhe 'zü teanwɔn pöme. =Yaa- pö 'ö za dɔ me -bha -ya -dɔ teanwɔn -ta, =yaa- pö 'ö 'ko zɛ, -ya -zɛ teanwɔn 'gü. <sup>12</sup>Kö 'me 'ö bha- 'yan 'bhü -yö dɔ siɛ -dhe "song 'bhü 'dhö "kɛɛ kö -gblüädɛdhe 'faan- 'gbe -ya -gɔ -bha. 'Tɔ 'ö gun- -bha 'ö gun -ben zɛ -sü 'ka bha mɛ 'bha 'yaa- dɔ kö 'yii kɛ yöö -dede -zɛ 'ka. <sup>13</sup>Kö sɔ 'ö- -bha bha =yɔɔn -ya zɛ -sü 'ka -gbɛndhö. Mɛ 'ö bha -wa -dhe <Atanna -wu> <sup>14</sup>kö Atanna -bha "sɔdha -nu "pɛpɛ 'wo dhang- 'gü -a -nu -gban -wa -keng-, kö sɔ "puu "pɛpɛ, "kɛɛ 'ö -bhlɛəsü -dedewo, 'ö -dhii -tangga -zian 'yaa- -bha -ya -nu -gban "pɛpɛ -bha kö -wo -ya -sü 'ka- 'ka 'pö =soo "pupu -nu -ta. <sup>15</sup>Kö 'me 'ö bha -siangga "zɔ -sü 'ö yöö ö -bha -gblüädɛdhe kɛ- 'ka, kö -yö 'wɔn bho- 'ka "kpungtaame -gban "pɛpɛ 'gü bha -ya "dhi. -A -gen -mü =dhe -yö -dho -ya "sɛgɔ "dhiü -piöga -sabhlü =nɛ- 'ka, 'yö- -nu -kɔn zɔn =dhe mɛ- sö zɔn -gwɛ "wlü 'gü, 'yö bhlɔɔ -ziisü 'ö ma Atanna 'ö- -bha 'gügbudhe -dhiang 'yaa zɛ bha- 'gü bha 'ö go- 'gü. <sup>16</sup>Mɛ 'a- yö =soo "puu bha- -ta 'ö -gblüädɛdhe 'faan- 'gbe -yö gun -gɔ -bha "dhü bha 'tɔ 'bha -yö -gun -ben zɛ -sü 'ka 'zü -a -bha sɔ 'ö gun- -bha bha waa- "gban -bha =dhe -wa -dhe <-Gblüädɛ -nu -bha -gblüädɛ, gɔɔn- -nu -bha gɔɔn->.

<sup>17</sup>=Dhe 'ö =ya kɛ "dhü, 'yö 'a Atanna -bha "kiɛ do 'bha yö kö -yö dɔ siɛ 'yɛnng- 'gü. 'Yö =gbla 'gbu- 'ka -maa "pɛpɛ 'wo gun ziö siɛ "sɛ waa- dhang- -a -nu =zinng 'gü bha- -nu -dhe 'ö- pö: «Mɛ =gban "pɛpɛ ka nu kö 'ka -loo 'ko -ta kö 'ka pɛ -bhö, Atanna yöö ka -dhɔkɛ!» <sup>18</sup>'Yö- pö: «-Ka nu kö 'ka -gblüädɛ -nu -wü -bhö, waa- "sɔdha -gɔmɛ -nu waa- -nu -bha "sɔdha -nu 'dhö, kö 'ka =soo -nu -wü -bhö waa- -nu -ta -mɛ -nu 'dhö, kö 'ka mɛ suu =gban "pɛpɛ, -a -dhuɛng -zɛ -nu oo, -a 'wlɔɔ- -nu oo, -a mɛ "gblügblü -nu oo, -a 'nɛsɛnnɛ -nu oo, kö 'ka- -nu -wü -bhö!»

<sup>19</sup>'Yö 'a n "yan -kpan wü -ziisü bha- -bha waa- -gblüädɛ -nu 'wo "kpung -taa waa- -nu -bha "sɔdha -nu 'dhö, kö =wa -loo 'ko -ta kö -wo 'ko zɛ 'mɛ 'ö -ya -sü 'ka =soo "puu -ta bha waa- -bha "sɔdha -nu -nu 'ka. <sup>20</sup>"Kɛɛ 'yö 'wo wü bha- kun, waa- -wudhiüloome 'ö gun Atanna -wu pö siɛ =sua 'ka 'ö "dhabhliwɔn "gblügblü -nu kɛ bha- 'dhö. -Yö "kpɛnng- -kɛ -a -bha "dhabhliwɔn -nu 'ö gun- kɛ siɛ bha =nɛ 'ka mɛ "pɛpɛ 'ö- -nu dɔɔ dɔ wü bha- -bha dɔ 'gü, 'ö 'wo gun- "blɛɛn- -dhɔkɛ siɛ bha- -nu -gɔ. 'Yö 'wo wü bha waa- -kɔdhiöme 'ö gun Atanna -wu pö siɛ =sua 'ka bha- -nu to "yaan 'yö 'wo- -nu -zuö peng 'yi =gblü 'ö 'gbu- 'dhö -da siɛ- 'gü "kɛɛ 'ö blɔɔn- -nu =gban 'wo pu- 'gü "kɛɛ 'ö 'yaa "dhuu bha- bha- 'gü. <sup>21</sup>'Yö 'wo mɛ -kpɛa zɛ -siang 'ö gun 'mɛ 'ö =soo -ta bha- "dhi bha- 'ka, 'yö -maa =gban "pɛpɛ 'wo- -nu -wü -bhö.

**-Kwe "gblü do 'ka -gblüädɛdhe -dhiang 'ö Zan -ya zɛ**

**20** <sup>1</sup>=Dhe 'ö =ya kɛ "dhü, 'yö 'a Atanna -bha "kiɛ do 'bha yö kö -yö 'go siɛ dhang- 'gü 'ö =lɔɔ. "Kɛɛ kö -klɔng züziösü bha- -dhakl waa- -piö lɔɔ" 'kpüi- do -wa =kwɛɛ-. <sup>2</sup>'Yö "yina -gblüädɛ, =mlɛɛ zii 'ö yi 'bha

'ka 'wo- Sɔtraan -kè bha- kun, 'yö- -kplü lɔɔ' bha- 'ka kö -yö -kwe "gblü do kë mü. <sup>3</sup>Yö Atanna -bha "kië -ya sü 'yö- -zuö -klɔng züziösü bha- 'gü, 'yö- "dhiü ta -dhakl 'ö gun- -gɔ bha- 'ka, 'yö 'klëë- kpɔ- -bha, kë "dhü kö 'ya 'dho -da me 'bha -me 'bha -gɔ 'gü 'ö dho 'ö zun- 'ka -kwe "gblü do bha- "dhiü pa -yi -bha. -Kwe "gblü do bha -ya bo ziö -sü 'ka, -wo -dho -a "pu 'në 'dède 'bha wo 'zü.

<sup>4</sup>Dhe 'ö -ya kë "dhü, 'yö 'a n "yan -kpan -blüdédhe -gbloo 'gbe =dede -bha kö me -ya -ta. 'Me 'wo gun -ya -sü 'ka- ta "dhü bha 'yö 'wo za dɔ -sü dɔ- -nu -kɔ 'ka. 'Yö go mü 'zü 'yö 'a me "pepe 'wo- -nu zè teanwɔn 'wo- ma Yesu 'dhi -a pö 'wo- wo, 'ö 'wo Atanna -wɔn -dhiang zè me -nu -dhe -a -wɔn 'gü bha- -nu 'nii- -nu yö. 'Me 'wo "dhü bha =në 'wii zun wü bha- -dhe kpiö 'gü kö -wa -dhɔkë, "eɛn kö -wa "blëen- -dhɔkë. 'Yö 'wii- -nu dɔɔ dɔ wü bha- -bha dɔ 'gü -a -nu -kpong "dhiü -dhe -nu waa- -nu -kɔ -bha -dhe -nu 'gü. 'Me 'wo bha 'yö 'wo go ga 'gü 'wo -bö, 'yö waa- Klisi -nu 'wo -gblüdédhe -kë -kwe "gblü do 'ka. <sup>5</sup>-Me -kpea "pepe 'dhe 'wo to, -a -nu 'bha 'wii -bö 'ö to- 'ka "dhü 'ö zun -kwe "gblü do bha- yën -yi -bha. -A 'dhe 'wo- go ga 'gü -kɔ -blëesü -kë bha 'yö bha. <sup>6</sup>'Me 'wo dho -bö -kɔ -blëesü bha- kë bha kö- -nu -bha -së =dedewo, -a -gen -mü =dhe kö wo =në 'wo Atanna dhɔɔbhaame =dede 'ka. 'Me 'wo "dhü bha ga =ple -naa -kɔ 'yii 'dho =mɔɔ- -nu -bha. Wo =në 'wo dho kë Atanna waa- Klisi -a -nu -bha "saabhome -nu 'ka 'ö weng- -nu 'wo -gblüdédhe -kë -kwe "gblü do bha- 'ka.

<sup>7</sup>-Ya kë -dhe -kwe "gblü do bha -ya bo ziö -sü 'ka, -wo -dho Sɔtraan bho 'zü -deewo -kaso 'gü. <sup>8</sup>Yö dho 'zü -deewo 'ö -da "se "pepe =gban 'gü -me -nu -gɔ 'gü, kö me 'wo "dhü bha "se 'dhe 'wo- Gɔgö waa- Magɔgö -kë bha weng- -nu -wa wo zü kë do. 'Yö- -nu =loo 'ko -ta 'ko zè -yan 'gü. 'Me 'wo "dhü bha- -nu -loo 'ko -ta -sü -dho kë -dhe =weeyi "dhiü "yëɛn 'dhö, 'wii 'dho =mɔɔ- -nu dhung -sü -bha. <sup>9</sup>A dho -dhe -ga kö -wo nu sië -yëɛdhö "kpungtaadhe -gban "pepe 'gü, 'wo -klëën -dhe 'ö Atanna -bha me -nu kpö -yö gun- -bha bha- -zü waa- -bha 'pödhe 'ö- -dhɔ -ya -kë bha- 'dhö. "Kee 'yö peng -yö go dhang- 'gü 'ö- -nu -bhö. <sup>10</sup>Yö 'wo Sɔtraan 'ö gun -da sië- -nu -gɔ 'gü bha- kun, 'yö 'wo- -zuö peng "yi =gblü 'ö blɔɔn' 'dhö 'pu sië- 'gü 'ö 'wo kë wü bha waa- Atanna -wɔ -pö =sua 'ka -me -zuö 'gü bha- 'gü. -Dhe bha =në- -nu -wëédhe dho 'to bho -sü -bha mü "dhü "dhü 'yënn- 'gü waa- gbeng -nu =gban 'gü 'ö- "dhiütodhe 'yaa kë.

**-Za -to =taama 'ö Atanna dho- dɔ me "bhu-  
-nu -bha -a -dhiang 'ö Zan -ya zè**

<sup>11</sup>=Dhe 'ö -ya kë "dhü, 'yö 'a -blüdédhe -gbloo "puu 'kpiki -kpiki do yö kö me -yö -ya -sü 'ka- ta. 'Yö "se waa- dhang- -nu 'wo =dua 'me bha- wëédhō 'yö me 'bha 'yii- yö 'zü 'ö to- -bha. <sup>12</sup>=Dhe 'ö -ya kë "dhü, 'yö 'a me "pepe 'wo ga 'ö 'wo gun =geebɔɔ bha- -nu =gban yö kö -wo dɔ sië me 'ö gun -ya -sü 'ka -gbloo 'kpii- bha- -ta bha- -kuu "dhiü. 'Me 'wo "dhü bha 'në sɛɛnnë

-gun mü, 'yö me "gblügbliü -nu -wo gun mü. -Dhe 'ö -ya kë "dhü, 'yö 'wo 'sëédhe 'gbe "dhiü -pu. 'Yö 'wo dho 'wo- do 'bha 'ö mü, 'ö me 'wo dho -tosea kë Atanna "piü- -nu 'tɔ 'dhö- 'gü bha- "dhiü -pu. 'Yö 'me 'wo gun -geebɔɔ, -a -nu kë song -nu 'wo gun 'sëédhe 'ö- 'gü bha 'wo- -ga, 'yö 'wo- -nu -bha za -gɔ 'ye -kɔ sü- -bha 'dɔɔndhö. <sup>13</sup>'Yö 'me 'wo ga =weeyi -bhaa, 'yö nu 'yö -pe -nu 'ka, 'yö -geebɔɔdhe yöö -dɔ 'pö 'ö nu 'ö -pe ö -bha 'ka. 'Yö 'wo 'me 'ö "dhü- -bha za -gɔ -ye -kɔ 'ö 'me 'ö "dhü 'ö -tosea -kë 'ka "kpung -taa -a -bha 'do 'do 'ka. <sup>14</sup>'Yö 'wo ga waa- =geebɔɔdhe -a -nu sü 'wo- -nu -zuö peng "yigbliü bha- -bhaa. (-A 'dhe bha -në 'wo- ga =ple -naa -kë.) <sup>15</sup>'Yö 'wo me "pepe 'dhe 'kö- -nu 'tɔ 'yii -slɔɔ 'sëédhe 'ö -tosea -kë -bha 'sëédhe 'ka bha- 'gü bha- -nu -gban 'pepe -zuö peng "yigbliü bha- -bhaa 'pö.

**"Se -dee waa- dhang- -dee 'ö Atanna -ya -pëké 'ö Zan -ya yö -a -dhiang 'ö- zë**

**21** <sup>1</sup>=Dhe 'ö -ya kë "dhü, 'yö 'a "se waa- dhang- -dee 'ö Atanna -ya kë bha- yö kö -bleesü -nu 'kö 'wo gun bha -wa =dhang, kö =weeyi -dɔ 'pö 'yaa 'dhö 'zü. <sup>2</sup>'Yö 'a 'pödhe 'slüüslü 'ö -dhii 'yaa- -bha, Zedhizadhemö -pö -dee bha- yö kö -yö 'go sië Atanna "piü dhang- 'gü 'ö -lɔɔ. Kö -yö baa- -sü 'ka "pepedhö -dhe dhe -dee 'wo 'dho sië- dɔ -a 'dhö. <sup>3</sup>'Yö 'a -wu do 'bha ma kö -yö 'go sië -gbloo bha- -dhe 'gü 'ö -wɔ 'gbu- 'ka 'ö- pö: «-Ka -dhe -ga, Atanna yöö =dede =ya nu 'pö- dɔ me "bhu- -nu 'ka =tɔn! Weng- -nu woo -tosea kë wo 'ko "piü kö -wo kë- -bha "següme -nu 'ka, kö -yö 'to- -nu "piü -kpeawo, kö yö -në -yö kë- -nu -bha Atanna 'ka. <sup>4</sup>-Yö -dho ö -kɔ ziö- -nu "yan "dhiü, 'ö- -nu "yanyi =gban bho mü "peepedhö. Ga 'yii 'dho bho 'zü, "een -wëë -ya wo -sü 'bha 'yii 'dho kë 'zü, -wëë -wu 'kpɔ -sü waa- pë -ma me 'ka -sü -gbaan yën. -A -gen -mü -dhe 'wɔn "pepe 'dhe 'kö gun kë sië zii -bleesü bha- =gbaan ziö.»

<sup>5</sup>=Dhe 'ö -ya kë "dhü, 'yö 'me 'ö gun -ya -sü 'ka -gbloo 'kpüü -bha- -ta bha 'ö- pö n -dhe: «-Dhe -ga, 'ma pë =gban "pepe kë -dee.» 'Yö go mü 'ö- pö: «-A -ben zë, -a -gen -mü -dhe 'pë 'a- pö bha 'yaa -sua 'ka, -a -dhea -bha -dhe -wo 'dhang bho- "dhiü.

<sup>6</sup>'Yö -ya mü 'zü 'ö- pö: «=Ya bo! Ma -në 'wo n -dhe 'wɔn =gban zübhodhe, 'yö 'wo n -dhe 'wɔn =gban "dhiüyadhe. 'Me 'ö "yi mü -dho =yaa- 'kun, a -dho -a -me gba -tosea -kë -bha 'yi 'ö =waa- mü 'waa ga 'zü bha- 'ka "weewe. <sup>7</sup>'Me 'ö yaa- 'ko bha- -zë kö -ya ga 'sü, a -dho pë -nu bha- =gbaɔ- -me -gɔ "weewe, 'ö 'a -kë -me -bha Atanna 'ka, 'ö -kë n bhang 'ka 'pö. <sup>8</sup>"Kee me "pepe 'kö 'wo "suöme 'ka, "een 'ö 'wo zaɔdhedame -nu 'ka, "een 'ö 'wo -kë 'wɔn "bhluubhlu këme -nu 'ka, "een mezëme -nu, "een "yënngdöme -nu, "een "zúvdhe këme -nu, "een =gebho -dhökëme -nu "een me "pepe 'dhe 'kö 'wo =suakëme -zë 'ka, -a -nu -gban "pepe- -dho 'dho peng "yigbliü 'ö blɔɔn" 'dhö- 'gü, 'ö ga -ple -naa 'ka bha -në- -bhaa.»

**Zedhizadhemö -pö -dee 'ö Atanna -ya -kë 'ö Zan -ya yö -a -dhiang 'ö- zë**

<sup>9</sup>=Dhe 'ö -ya kë "dhü, 'yö Atanna -bha "kië "saɔple 'ö -nëng "saɔple 'ö to -taama bha 'ö- gbɔnë "saɔple bha 'ö gun- -nu -gɔ bha- me do -ya pö n -dhe:

«-Bhö nu kö dhebho 'ö- gwaan- 'kpo -wɔn 'dhö 'dhö, 'ö "bhlaanë bha- bha dhebho 'ka bha 'a- zɔn i -dhe.»

<sup>10</sup>-Dhe 'ö- pö n -dhe 'dhü, 'yö 'a to n 'yan 'gü -da -sü bha- 'gü mü 'yö n sü 'ö dho n 'ka -tɔn -gblɛn do 'bha -gbin-, 'yö 'pödhe 'slütöslü 'ö- Zedhizadhemö -dhe 'dhö -mü, 'ö gun 'go sië Atanna 'piü dhang- 'gü 'ö -lɔɔ bha- zɔn n -dhe. <sup>11</sup>Kö Atanna -bha me -dhe 'bhü -yö dɔ sië- bha -plöng -plöng -plöngdhö =dhe -gwë -wɔn -dɔ yaa 'ka -sü -nu 'wo- 'zasipö -kë, 'ö me 'yan -yö -ziö 'gü 'ö -dhe yö- =taama -dhe 'dënggbo 'dhö bha- 'dhö. <sup>12</sup>Kö "saan 'kpii-, =gblɛn do 'bha -yö =klëen -sü 'ka- zü. "Saan bha- "dhi- gun -kaɔng do ga =ple. 'Yö Atanna -bha "kië -kaɔng do ga =ple 'wo gun -ya -sü 'ka -a "dhi -nu bha- -nu -maa -gɔ 'do 'do 'ka. -A "dhi -kaɔng do ga =ple 'ö "dhü bha, Izraëdhö -se -gɔ 'dhö 'ö 'gü -kaɔng do ga =ple -kɔ 'ö- 'gü, -a =gban 'tɔ- gun -a "dhi =gban -bha 'do 'do. <sup>13</sup>-A "saan bha- "dhi -yaaga =në gun 'pö- bha- -kɔ "pɛan 'do 'do =gban 'piü. -A -yaaga -gun 'yënnng- -wo -zian 'ka, 'yö- -yaaga gun 'yënnng- -pö -zian 'ka, 'yö- -yaaga 'bha- gun me =kwaa 'gü, 'yö- -yaaga 'bha- gun me -kɔ -së 'gü. <sup>14</sup>"Saan 'ö gun 'pö- bha- -zü 'dhü bha- -gɛn -gun -gban -sü 'ka -gwë -kaɔng do ga =ple =në- -ta, 'yö "bhlaanë -bha bɔme -nu -kaɔng do ga =ple 'wo gun bha- -nu 'tɔ 'dhö -gwë bha- -bha 'do 'do 'ka.

<sup>15</sup>Atanna -bha "kië 'ö gun dhiang zë sië n -dhe "dhü bha pë -dan 'ka pë do, 'ö "sënnng 'ka, 'kɛɛ 'ö bhɔ -kaadhü -bha -yö -gun -kɔ "dhiü, kö -yö 'pö- bha- 'dhö, -a "dhi -nu bha- 'dhö, -a "saan bha- 'dhö, -a -nu dan- 'ka. <sup>16</sup>'Pö- bha -yö gun -dhe 'kɔ suu 'ö "gwënnng 'dhö -kë -yiisiö bha =në- 'dhö, "kɛɛ -a -bha bha- "gwënnng -gban- -mɔɔ "kwëë. 'Yö Atanna -bha "kië bha 'ö- 'pö- bha- dan -dhe -dankapë 'ö gun -kwɛɛ bha- 'ka. 'Yö- "gwënnng do -yö -kë "kidhung 'gblü =ple waa- "kidhung këng =ple, 'yö- -bha -kë "gbea -sü -yö -gun 'dhü, 'yö- -bha -kë =gblɛn -sü 'ö go- 'ka "se -bha 'ö dho- 'ka "dhüng 'gü 'ö gun -kɔ do bha- 'gü. <sup>17</sup>'Yö dho 'zü 'ö "saan bha- dan -dhe -dankapë do 'ö gun- -gɔ bha- 'ka, 'yö dho 'ö -kë -a -yan -kaɔng "saɔple ga =ple 'ka, -a -bha -go "se -bha -sü 'ö dho "dhüng 'gü -a 'gü. -Ya -dan -dhe -kɔ do 'ö me "bhu- -nu 'kwa kwa -bha dan- 'ka bha =në- 'dhö. <sup>18</sup>"Saan 'ö gun 'pö- bha- -zü bha -yö gun dɔ -sü 'ka -gwë -wɔn "gbu- 'wo- 'zasipö -kë bha =në- 'ka, 'yö 'pö- 'kö bha 'ö gun dɔ -sü 'ka "sënnng =dede =në- 'ka, 'yö- "yan -yö bhɔ klëklëdhö -dhe "dënggbo 'dhö. <sup>19</sup>'Yö- "saan bha- -gɛn -dɔ -ta -gwë -nu bha 'wo gun- -ben zë -sü 'ka -gwë -bhlëesü -nu bha- -gban "pɛpɛ suu 'do 'do =në- "pen 'ka. -A -blëesü -gun suu 'dhe 'wo- zasipö -kë bha =në- 'ka, 'yö- =ple -naa -yö gun- 'dhe 'wo- safii- -kë bha- 'ka, 'yö- -yaaga -naa -yö gun- 'dhe 'wo kaseduanö kë bha- 'ka, 'yö- -yiisiö -naa -yö gun- 'dhe 'wo- medhodö -kë bha- 'ka; <sup>20</sup>'Yö- "sɔɔdhu -naa -yö gun- 'dhe 'wo- saadonisö -kë bha- 'ka, 'yö- "saɔdo -naa -yö gun- 'dhe 'wo- saaduanö -kë bha- 'ka, 'yö- "saɔple -naa -yö gun- 'dhe 'wo- klisodhitö -kë bha- 'ka, 'yö- "saaga -naa -yö gun- suu 'dhe 'wo- -dhe bedhidö bha- 'ka, 'yö- "sueisiö -naa -yö gun- 'dhe 'wo-

topazö -kë bha- 'ka, 'yö- -kaɔng do -naa -yö gun- 'dhe 'wo- -dhe klizoplazö bha- 'ka, 'yö- -kaɔng do ga do -naa -yö gun- 'dhe 'wo- yasenngtö -kë bha- 'ka, 'yö- -kaɔng do ga =ple -naa -yö gun- 'dhe 'wo- -dhe metitö bha- 'ka. 21 'Pö- bha- 'kpong -kaɔng do ga =ple bha -wo -gun -zɔɔ suu 'bha 'ö "yi 'yaa zun- -wɔn -bha bha -në- -du -sɔɔ 'ka. 'Kpong do -zɔɔga do. -Kpinngga 'ö gun 'pö- bha- 'gü -yö gun 'sënnng =në- 'ka, 'ö- 'bhü -yö bho =dhe -dhuangdhe 'bhü 'dhö.

22 'Mii Atanna -dhɔkëgüko 'bha yö 'pö- bha- 'gü, -a -gen -mü -dhe kwa Dëme kwa -bha Atanna 'ö- -bha 'gügbudhe -dhiang 'yaa zë bha waa- -bha "bhlaanë bha =në 'wo gun 'pö- bha- -bha Atanna -dhɔkë -dhe =gban 'ka. 23 'Pö- bha- -mawɔn 'yaa gun -dhepuudhe -bha, -a -wɔn 'gü 'yënnng- 'yaa gun -wo sië mü, kö yöö 'to 'su =në- -bha. -A 'klɔɔ- -mü =dhe "bhlaanë bha =në gun- -bha -dhangbha 'ka, 'yö Atanna -bha medhe 'bhü -yö gun =dhe -a -bha 'yënnng- 'dhö. 24 -A -bha -dhepuudhe bha =në mɛ "pepe 'wo "kpong =taa 'wo dho "ta 'sü- 'bhü "dhiü, 'yö -gblüdë "pepe =gban 'wo nu wo =sɔɔ -pë =gban 'ka mü. 25 'Pö- bha- 'saan "dhi- -dho 'to "pu -sü 'ka -kpeawo 'ö to "dhü, -a -gen -mü -dhe "bin 'yii 'dho 'ma mü tongtongdhö kö woo- "kwɛɛ ta. 26 "Se =gban "pepe- -dho 'dho woo- 'to -pë -nu waa- woo- pë =bhlëësü -nu 'ka -dhe bha =në- 'gü. 27 "Kɛɛ pë -dhiisü -zë 'bha =dede =në 'yii 'dho -da 'pö- bha- 'gü tongtongdhö kö yöö -nu 'to 'wɔn "bhluubhlu këme -nu waa- =suakëme -nu =në- -bha. 'Me 'ö- -nu 'to 'dhö "bhlaanë bha- -bha -tosea -kë -bha 'sëédhe bha- 'gü bha woo do =në 'wo dho -da 'pö- bha- 'gü.

**22** 1 'Yö Atanna -bha "kië bha 'ö dho 'ö -tosea 'ö 'yaa yën -a -kë -bha 'yi bha- =gwaan ga 'ö 'pö- -bha 'gü bha- -zɔn 'pö n -dhe. "Yi bha- -gun -söng -sü 'ka 'ö mɛ- -dhe yö- -bhaa -dhe -ko 'ö 'mɛ- -dhe yö- 'ka "dënggbö 'gü bha- 'dhö, kö- -gɔ -yö 'go sië Atanna -bha -blüédhe -gbloo bha waa- "bhlaanë -bha bha- -nu 'gü 2 'ö -ziö 'pö- bha- -zinng 'gü -dhe =dede 'gü. 'yi bha -tosea 'ö 'yaa yën -a -kë -bha "dhü -në gun ta -sü 'ka- "kpong =gban =ple "dhiü. "Dhü bha -yö bhe -dɔ -kwe do 'gü -kaɔng do ga =ple, "su do -bha do. 'Yö- "dhe bha 'ö gun "se "pepe =gban 'gü -mɛ -nu -bha -bedhe 'ka. 3 Pë "pepe kö Atanna =ya "dhang -da -bha, -a do -zian 'yii 'dho kë 'pö- bha- 'gü.

Atanna waa- "bhlaanë bha- -nu -bha -gblüédhe -kë -ta -gbloo -dho kë 'pö- bha -në- 'gü, 'yö- -bha gwëézë -nu 'wo- -dhɔkë mü. 4 -Wo -dho wo "yan -kpan -a wëédhe bha, 'yö- 'to -yö -kë -ya -sü 'ka- -nu -kpong "dhiü. 5 "Bin 'yii 'dho 'ma 'zü, "ɛɛn -a -nu -bha -wɔn 'yii 'dho kë -dhangbha -bha, "ɛɛn 'yënnng- -zian -bha, -a -gen -mü -dhe -a -nu Dë Atanna -në dho -dhe "pu- -nu -ta, 'yö 'wo medhe -kë -todhü 'ka.

**Yesu nu -sü -dhiang 'ö Zan -ya zë**

6 'Yö Atanna -bha "kië bha 'ö- pö 'zü n -dhe: «-Wu -nu 'i- ma bha- =gban -yö 'dhang -bho "dhiü -pë =në- 'ka, -a -gen -mü =dhe -a 'bha 'yaa =sua 'ka.

'Wɔn 'ö- -wɔn 'gü 'yö kwa Dëmë, kwa -bha Atanna -yö ö -bha 'Nii- "slüüslü -ya ö -wudhiüloomë -nu 'gü 'yö 'wo- -wu "dhiü -loo- 'ka, 'yö ö -bha "kië bɔ kö 'wɔn 'ö dho kë -dhe 'bha -kpao -yi 'ka -ya -ta 'pu 'ö -bha gwëëzë -nu -dhe bha 'yö bha.»

<sup>7</sup>Yö Yesu yöö =dede -a -wu -yö -da 'pö n "tuvdhö Atanna -bha "kië -bha bha- -zian -ta 'yö- pö: «-Bhö -dhe -ga, a nu sië -dede ya- 'gü. Me "pëpë 'ö 'wɔn 'ö yöö kë dhia", 'ö -ben zë -sü 'ka 'sëédhe ya- 'gü ya 'wo- ma, 'ö 'wo- 'gü -wɔn -kë -a -nu -bha -së!»

<sup>8</sup>Mang Zan -më mang =dede -në n "tu -yö -da 'wɔn bha- 'gü, 'ö n "yan -ya -dhe yö. 'Yö =dhe 'ö =ya kë =dhe -kɔ bha- 'dhö, 'yö 'a- pö 'a zun n kpiö 'gü kö Atanna -bha "kië 'ö 'wɔn -nu bha- -zɔn n -dhe bha- -dhökë. <sup>9</sup>"Këe 'yö- pö n -dhe: «-Bhö i -dɪ 'kun! 'Më 'ö- -kë -dhe "dhü -më 'ka -në Atanna 'ka. Ma -zë -a bhi oo, i dheebhang -nu 'wo- -wudhiüloomë 'ka bha waa- më "pëpë 'wo -wu 'ö 'sëédhe ya- 'gü ya -bhlëë -ya bha kwa me do =në- 'ka.»

<sup>10</sup>Yö go mü 'zü 'ö- pö n -dhe: «'Bha 'dho 'wɔn -nu 'wo dho kë dhia" 'wo -ben zë -sü 'ka 'sëédhe ya- 'gü ya- 'to i -dɪ -gɔ. -A -gen -mü =dhe "tüng 'ö Atanna -ya -ya 'wɔn -nu bha- kë "tüng 'ka bha 'yaa -gblëen -tangga -zianwo 'zü. <sup>11</sup>=Dhe 'ö "dhü, 'më 'ö- këwɔn 'dhö 'ya-, -yö ö faan dɔ kö -yö 'dho- 'ka "dhiü, kö 'më 'ö 'wɔn "bhluubhlu këmë 'ka -yö ö 'gü -siö kë -sü -bha -yö 'dho- 'ka. Kö 'më 'ö- këwɔn 'dhö -së -yö ö -bha bha- 'kun 'gbu- 'pö, kö 'më 'ö "slüüslü -yö ö -dɪ 'kun -së -yö 'dho- 'ka "dhiü.»

<sup>12</sup>Yö Yesu yöö -dɪ 'pö 'ö- pö n -dhe: «-Bhö -dhe -ga, a nu sië, -a "tüng 'yaa -gblëen 'zü, n nu -sü 'ka 'më 'ö "dhü- =saa 'ö -mɔɔ yë 'ö- -kë -a -bha -yö -dho kë n -gɔ 'a nu- 'ka, 'ö 'a 'më 'ö "dhü- =saa bho- kë -yë -bha. <sup>13</sup>Ma -në 'a 'wɔn -gban zühodhe 'ka, 'a 'wɔn -gban "dhiüyadhe 'ka, 'a më -blëesü 'ka, 'a më -totaamasü 'ka 'zü.

<sup>14</sup>Me "bu 'më 'wo dho wo -bha -sɔ "zu, -a -nu -bha -së, -wo -dho kë -tosea -kë -bha -dhü bha- bhe -bhö -më 'ka, "ëen 'ö 'wo dho kë -da 'pö- bha- 'gü -më 'ka wo -bha -sɔ 'wo- -zu bha- -wɔn 'gü, kö- -më -nu -bha -së. <sup>15</sup>"Këe më "pëpë 'dhe 'kö 'wo 'wɔn yaa -yënnngsü -nu këmë 'ka, 'ö 'wo "zudhekëme -nu 'ka, "ëen 'ö 'wo "yënnngdômë -nu 'ka, "ëen 'ö 'wo mezëme -nu 'ka, "ëen 'wo -gebho -dhökëme -nu 'ka waa- më "pëpë 'dhe 'kö 'wo -tosea -kë -sua 'ka -a -nu këwɔn -nu waa- -nu -zë -dhiang -nu 'gü, -a më do zian 'yii 'dho -da 'pö- bha- 'gü!

<sup>16</sup>Mang Yesu -më ma -në 'a ma "kië bɔ kö -yö 'wɔn bha- pö më "pëpë 'ka n -bha 'ka ka -dhe. Davi suu 'gü -në 'ö- -ding 'ka bha yö -mü ma -në n 'ka. Mang do bha 'zü ma -në 'a 'gödhuu 'ö bhü -dhekpao "dhiü 'ö- -zɔn -dhe -dhe =ya -kpao -gbanwo bha- 'ka.»

<sup>17</sup>Atanna -bha 'Nii- waa- -gblüdë -bha dhebhɔ -wa pö sië: «-Bhö nu!»

Më "bu më 'ö 'bha -wu bha- ma -bhö -a pö 'pö: «-Bhö nu!»

'Më 'ö 'yi mü -dho =ya i 'kun, -bhö nu, më "bu më 'ö -tosea -kë -bha 'yi bha- -dho 'dhö- -bha, -yö nu kö -ya mü "wëwëwë!

'Sëédhe bha- -gɔɔta -wu 'ö Zan -ya pö

18 Mang Zan -me ma =në 'a- pö, 'a- pö ka -dhe =sii -dede -ta -dhe me "bu me 'ö ö -bha dɔ 'wɔn -nu 'ö dho kë -dhekpao dhia" 'gü 'ö -ben zë -sü 'ka 'sëédhe ya- 'gü ya- -ta, 'wɔn 'ö Atanna dho- bho- -me 'gü bha -yö -dho -a -me taa kë 'wɔn -nu "klɪŋ 'a -ziö 'gü 'sëédhe ya- 'gü ya- 'ka. 19 Me "bu me 'ö =yaa- 'bha -bho -ta 'zü, Atanna -dho -a -me -bha -tosea -kë -bha -dhü bhe 'ö- -bhö -wɔn 'dhö 'dhö bha- 'sü- -me -gɔ, waa- -yɛa 'ö dho kë 'nu 'pödhe "slöüslü 'ö- -dhiang 'dhö 'sëédhe ya- 'gü bha- 'dhö.

20 Yesu 'ö 'wɔn "pepe bha- =gban -kë tean- 'ka -sü "sɛɛ- 'ka bha -ya -pö: «'Yaa =sua 'ka, a nu sië -dede ya- 'gü.» Kö -yö kë "dhü bha 'aa -yö kë! N Dëme Yesu, -bhö nu!

21 Kö kwa Dëme Yesu -bha -gasite bha -yö kë me =gban "pepe ka -dhe bha 'aa -yö kë!